

易學四同別錄

易學四同別錄卷

考法別傳外篇

浙東季子輯錄

象外雜分物類

此即物類並分於易象之外者

○說卦傳雜象

八卦近取諸身象

乾為首坤為腹震為足巽為足
坎為耳離為目艮為手
兌為口

八卦遠取諸物象

乾為馬坤為牛震為龍巽為鷄坎為豕離為雉艮為狗
兌為羊

廣八卦象

乾為天為圜為君為父為王為金為寒為冰為大赤為
良馬為老馬為瘠馬為駁馬為六果

坤為地為母為布為釜為吝嗇為子為母牛為大輿
為文為衆為柄其於地也為黑

震為雷為龍為玄黃為專為大為長子為決躁為蒼
筴竹為萑蒿其於馬也為善鳴為馵足為作足為的顙
其於稼也為反生其究為蕃鮮

巽為木為風為長女為繩為工為日為長為高為進
退為不果為臭其於人也為寡髮為廣顙為多白眼為

近利市三倍其究而躁卦

坎爲水爲溝瀆爲隱伏爲輻輳爲弓輪其於人也爲加
憂爲心病爲耳痛爲血卦爲木其於馬也爲美脊爲亟
心爲下首爲薄蹄爲曳其於輿也爲多青爲通爲月爲
盜其於木也爲堅多心

離爲火爲日爲電爲中女爲甲冑爲戈兵其於人也爲
大腹爲乾卦爲蟹爲蠃爲蚌爲龜其於木也爲科
上稿

艮爲山爲徑路爲小石爲門闕爲果蓏爲閹寺爲指爲
狗爲鼠爲黔喙之屬其於木也爲堅多節

易學四同別錄卷之四

三

兌爲澤爲少女爲巫爲口舌爲毀折爲附決其於地也爲剛鹵爲妾爲羊

今按八卦取象惟天地雷風火山澤與乾坎震巽坎離艮兌之德相配故有相應之義其餘乾首坤腹乾馬坤牛之類中間未免有強湊者至於廣八卦則益贅矣且以乾爲金與寒水則似爲後天乾居西北金寒之地而發者非卦之下象也意必周秦間講師以此備卜筮之推測而豈有義理可求哉然其序列八卦則以乾坤生六子爲差也詳見說卦傳第十一

章

○梅花數雜象

乾一金

天

水

火

雷

地理 西北方

京都

大郡

形勝之地

高亢之所

人物 物君

父

老人

官宦

大人長者 名人

公門人

人事 事圓成

剛健

武勇

果決

高明

多動少靜

身體 體首

骨

肺

時秋

九十月交

戌亥時

五金時

動物龍

馬

天鳴

獅象

靜物金玉

寶珠

首飾

冠鏡

圓物

剛物

貴物

屋舍公廨

樓臺

高堂

大廈

驛舍

西北向之居

家宅秋占宅

夏占有禍

久占冷落

婚貴官之眷

有聲名家

秋占宜婚

夏占不利

飲馬肉

乾燥之物

名骨

辛辣之物

珍味

木果

生
產易產

秋占生子貴

夏占有損

宜坐西北

求
名有名

宜在朝側

西北之位

刑官

武職

天使

驛官

掌寶

交易成

宜寶玉貴貨交易

夏占不利

求
利有金玉

或公門財得

或有貴人之財

秋占有財

冬無財

夏損財

謀有成

利公門中

宜動中謀

夏占不利

冬占多謀少遂

出利西北方

宜入京師

利遠行

夏占不吉

謂可見

利見大人

宜謁貴官

宜見長者

疾頭面之疾

肺疾

筋骨疾

上焦疾

夏不安

有貴人

助順

秋占得勝

夏占失理

官健訟

實宜西北坐墓向之墓

宜亥壬

肺氣

宜天穴

秋占生子貴

夏不可葬

帶金傍

氏姓

行一四九

姓名數一四九

方道西北方

水五辛辣

色五大赤

玄黃

坤八土

天時 天陰

霧氣

地理 田野

鄉里

平地

西南方

人物 后

母

老婦

農鄉人

樂人

大腹人

人事 吝嗇

順

柔懦

衆庶

身體 腹

脾胃

肉

時序 辰戌丑未

未申時

八五十日

物類 方物

土中物

柔物

布帛絲綿

五穀

輿

釜

瓦器

牛

百獸

牝馬

舍西南向之居

村舍

田舍

矮屋

土堦

倉庫

家安穩

多陰氣

春占宅舍不安

飲野味

牛肉

土中之物

甘味

五穀

黍稷

腹臟之物

芋筍之物

婚利於婚姻

宜稅產家之

鄉村之家

或寡婦家之

春占不利

生易產

春占難成

或有損

或不利於

坐宜西楹

求有名

宜西南任

守土司農職

或教官

春占虛名

求有利

宜中土利之

賤貨墮物利

五穀之利

布帛之利

多中取利

靜中得財

春占無財

交易利

宜田土駁

春占不順

宜五穀布帛交易

謀利求謀

鄉里求謀

宜靜中求

或謀於婦人

春占不利

出可行

宜西南行

宜往鄉里

春占不往

宜陸行

見諸可見

宜見鄉人

宜見親友

或陰人

春不宜見

疾腹疾

脾胃之病

飲食停傷

穀食不化

官理順

得衆情

訟當解散

墳墓西南之穴

平陽之地

近田野

宜低葬

春不可葬

姓名官音

帶土姓人

行八五十

數八五十

方西南方

味甘味

色黃

又黃

震四木

天時震雷

地理東方

樹木鬧市

草木繁盛之所

竹木火途

人物長男

事人振起

動怒

虛驚

鼓譟

多動少靜

身體肝

髮

聲

音

時辰春月

卯年月日

四三八日

物靜木竹

萑葦

木品之榮

花草繁盛之物

動物龍

蛇

步學... 另金... 卷之四

屋舍東向之居
山林之處
樓閣

家宅中不時有虛驚
春占吉
秋占不利

飲食蹄肉
山林野味
菜蔬
鮮肉

果
酸味

婚之可有成
聲名之家
利長男婚之
秋占不宜

生產虛驚
胎動不安
頭胎必男
秋占必有損

坐宜東向

名求有名
宜東方任
掌刑獄官
施號發令

茶皆水
或開市

利求山林之財
宜東方財
或商販竹木茶貨之利

動處求財

交易利於成交

秋占難成

動而可成

山林竹木

謀望可望

可求

宜動中望

秋占不遂

出宜向東方

利山林之行

秋占不宜

恐有虛驚

見可見

宜見山林

利見有聲名之人

疾足疾

肝經之疾

驚怖不安

官健訟

有虛驚

行移取勘及覆

墳利於東南

山林中穴

姓商角音

帶木姓氏

行四八三

敬四八三

方東方

味五酸

色五青

黃

碧

巽五木

天時風

地東南方

地之

草木

之所

花果菜園

人物長女

秀士

寡髮之人

山林

之仙道

人事柔和

不定

鼓舞

利市三倍

進退

不果

身體股肱

氣

風疾

時 春夏之交

三月五日時

三月四月

辰巳午未時

靜物 臭物

繩

直物

長物

竹木

工巧之器

動物 雞

百禽

山林中之禽蟲

屋舍 東南向之居

寺觀樓園

山林之居

家宅 安穩

利市

春占吉

秋占不安

飲食 雞肉

山林之味

蔬果

酸味

婚姻 不成

宜長女之婚

秋占不利

生產 易生

頭胎產女

秋占損胎

宜向東坐

求名 有名

宜文職入為風憲

宜茶課竹木稅貨之職

宜求

之南方

求有利三倍

宜山林

利

茶木貨

利

秋大吉

一云

秋占無財

進退不一

交易之利

山林

木茶

交易可成

謀望可謀望

有財

可成

行出可行

有出入

利

宜向東南

南

秋占不行

見謁可見

利見

山林

利見

文士

疾股肱之疾

風疾

中風

寒邪

氣疾

官宜和

恐遭

風憲之貞

墳宜東南向 山林之穴 多樹木 秋占不利

姓角音 草木傍氏姓 行五三八

數五三八

方東南方

味酸味

色青

綠

碧

潔白

坎六水

時雨雪

月

霜

露

地理北方

江湖

溪澗

泉井

卑濕之地 溝瀆池沼 凡有水處

多學日同身金不者者

人中男 江湖之人 舟人 寇盜

事險陷 卑下 外柔內剛 漂泊不成

隨波入流

身體耳 血

時冬十一月 子年月 一六之明

靜水晶 水中之物 黑色物 鐵器

動豕 魚 水中之物

家不安 暗昧 防盜

舍向北之居 近水處 江樓 茶酒肆

宅中濕閣

飲食
豕肉

酒

冷物

海味

羹湯

酸味

宿食

魚

滯血物

淹藏物

多骨之物

有蒂核物

水中物

婚
利中女親

宜北方

辰戌丑未月不利成婚

生
難生有險

宜次胎

產中男

辰戌宜五未月

求
艱難

恐有灾陷

宜北方

江湖河海

酒醋之職

求
宜水邊財

宜魚鹽酒

財恐有失

或有陷

防盜

交易不利成交

恐防失陷

宜水邊交易

宜鹽

魚酒貨交易

或點水姓人之交易

謀不能成就

秋冬謀望

行出不利遠行

宜涉舟

宜北方行

防盜

謁難見

宜見之江湖

或有水傍姓氏之人

疾耳疼

心疾

感寒

腎疾

胃冷

水瀉

痼冷之病

血病

官不利

有陰險

有大困

有失陷

墳宜北向之穴

水傍葬

卑濕之地不利

姓羽音

點水傍之姓氏

行一六

數一六

方北方

味酸鹹

色黑

離三火

時日

霞

電

虹

霓

地理南方

乾亢之地

窞竈
地宜向陽

爐冶之所
剛燥之地

物中女

文人

大腹人

目疾人

介胄之士

人事 文章之事

聰明才學

相見虛心

身體 目

心

上焦

時序 夏五月

午年月時

三二七明

火年月時

靜物 書史

甲冑

干戈

槁木

乾燥之物

赤色之物

動物 雉

龜

鱉

蟹

螺

蚌

屋舍 南向之居

陽明之宅

明窓

虛堂

家宅 安恬

平善

冬占不安

克占玉帛

飲食雜肉

煎炒

燒炙之物

乾脯之類

熟肉

婚不成

利中女之婚

夏占可成

冬占不利

生易生

產中女

冬占有損

宜坐向南

求有名

宜南方之任

文官之職

宜墟治坑

利有財

宜南方財

有文書財

冬占有失

交有文書之交易

謀可以謀為

宜謀望文書之舉

出可行

宜向南方

就文書行之

冬不宜行

不宜行舟

易學曰司川錄下卷之四

十一

見錢可見南方方冬占不順 秋見文書老案才士

病疾目疾 心疾 上焦疾 熱病

夏占伏暑 時疫

官訟易散 文書動 詞訟明辨

墓墳南向之墓 無木蔭穴 冬占不利

姓白徵音 帶火及立 行三二七

數 三二七

方造南方

味石苦味

色五赤 紫 紅

艮七土

天雲

霧

山

嵐

地理山徑路

近山城

丘陵

墳墓

人物少男

閑人

山中人

人事阻滯

守靜

進退不決

反背

止住不見

身體手持

骨

鼻

背

時序冬春之交 十二月

十二年日

丑寅

年月日時

七五十月日

辭物土石

瓜菓

黃物

土中之物

易學四圖別錄不卷之四

十四

動物

狗

鼠

百禽

黔喙之禽

家安穩

諸事有阻

家人不睦

春占不安

居之
離東北方

山居近石

近路之宅

飲食
上中物味

諸獸之肉

墓畔竹筭之屬

野味

婚姻
阻隔難成

成亦遲

利小與童婚

宜對鄉里

春占不利

求名
阻隔無名

宜東北方

宜土宮

山城之職

交易
難成

有山林田
上之交易

春占有美

謀阻
隔難成

進退不決

出行 不宜遠行 有阻 宜近陸行

見弱 不可見 有阻 宜見山林之人

疾 手指之疾 脾胃之疾

官 貴人阻滯 官訟未解 牽連不決

墳 東北之穴 山中之穴 近路邊之穴 春占不利

姓 宮音 帶土字傍 行五七十

數 五七十

方 道 東方

味 五味 甘味

色 五色 黃

兌二金

時天
雨澤

新月

星

地
澤

水
陸及剛
鹵之地

缺池

廢井
崩破
之地

物人
少女

妾

歌妓

伶人

人
譯人

巫師

事
喜悅

口舌

讒謗

飲食

身
舌

口

肺

時
秋八月

酉年月時

金年月時

二四九月

物
金刃

金類

樂器

缺器廢物

物
羊

澤中之物

虎

屋舍西向之居

近澤之居

敗墻壁

宅有損

家不安

防口舌

秋占喜悅

夏占家宅
有損失

飲羊肉

澤中之物

宿味

辛辣之味

婚不成

主成婚之喜

利婚少女

秋占吉

夏占不利

產生不利
恐有損胎

成則生女

夏則不利

坐向西南

求名難成

因名有損

利西方之任

宜刑官武職
伶官澤官

求利無利有損

財利上主

秋占有財

夏占損財

交易不利防口舌

有爭競

夏占不利

秋占有交
易之喜

謀難望

於謀有損

秋占有喜

夏占不遂

出行不宜遠行

防口損舌或失

宜西方

秋占可行

謂利行西方見方

有呪詛

疾病口舌咽喉之疾

氣逆喘疾

飲食不入

墳墓宜西

防穴中有水

近墓澤墓或穴

夏占不宜

官訟爭訟未已

曲直未決

因公有損

防刑

秋占得理

姓名商音

帶金字傍姓氏

或帶口字傍姓氏

行二四九

數目二四九

方道西方

味辛辣

五
白

今按乾一兌二離三震四巽五坎六艮七坤八者先天橫圖之序也坎水離火震巽木兌乾金艮坤土者後天五行之序也其總列卦部先乾坤而後震巽坎離艮兌者亦後天父母生六子之序也康節之後始有先天之傳與後天並用故兼之以取象其間多雜後世之見比於說卦傳尤煩猥焉蓋皆倚象揣摩之術與聖人順理勢之自然而定吉凶者不同然四時之占有利有不利則因五行互有生克爾此固焦京卦氣之意而決占者之所必用也

○洪範皇極雜象圖

五行分屬六氣圖

一陽二陽三陽一陰二陰三陰

木火土金水

九峯蔡氏曰天數五地數
六五六天地之中合五爲
五行六爲六氣陽性陰質
五行之性曰木曰火曰土
曰金曰水六氣之質曰胎
曰生曰壯曰老曰死曰化

五行植物屬圖

木					火					土					金					水				
楊柳桃李松栢竹篔禾麥藟					木火石火雷火沖火虫火					砂石玉土壤泥					汞銀金銅鐵鉛					澗水井水雨水溝渠陂澤湖海				

一陽三陽三陽一陰二陰三陰

五行動物屬圖

水	金	土	火	木
鱓	鹿	蟾蜍	鴈	鯪鯉
鱉	馬	鼯蟲	雞	蛇
龜	猴	人	鳳鶴	龍
蝦	虎	蜘蛛	鷹隼	鯉魚
蚌	牛豕	蚓	燕雀	小魚
螭	毛虫	鰻	梟 <small>蝶</small>	鯽

一陽二陽三陽一陰二陰三陰

五行用物屬圖

木	金	土	火	木	一陽
<small>器平</small> 權	<small>器方</small> 斧	<small>器腹</small> 筐	<small>器登</small> 梯	<small>器疏</small> 門	二陽
衡	鉞	筥	棚	窻	三陽
輪	印	圭	文	琴	一陰
磨	節	壁	書	瑟	二陰
準	矩	量	繩	規	三陰
鏡	弓	舟	筆	箒	
廩	矢	車	硯	篩	
研	簡	盤	檯	耒	
碓	械	孟	卓	耜	
廁	校	棺	履	網	
圜		槨	躡	罟	

五行事類吉圖

水	金	土	火	木
交易	遷移	征行	酒食	田獵
祭祀				
賜予	按察	更革	軍旅	錢貨
刑法				
工役	循常	盟約	田宅	福壽
墳墓				
燕集	文書	朝會	言語	歌舞
燈燭				
徵召	科名	恩赦	昏姻	產孕
財帛				
一陽	二陽	三陽	一陰	二陰
三陰				

五行事類凶圖

木	火	土	金	水
一陽 二陽 三陽 一陰 二陰 三陰	梟机 驚憂 醜惡 壓墜 天折 產死	公訟 顛狂 口舌 炎火 災焚 震燬	反覆 欺詐 離散 貧窮 疾病 死亡	征役 罷免 責降 爭鬪 傷損 殺戮
				盜賊 囚獄 徒流 淫亂 呪咀 浸溺

五行支干之圖

五行支干之圖

水 金 土 火 木									
癸丑	壬子	辛丑	庚子	己丑	戊子	丁丑	丙子	乙丑	甲子
癸卯	壬寅	辛卯	庚寅	己卯	戊寅	丁卯	丙寅	乙卯	甲寅
癸巳	壬辰	辛巳	庚辰	己巳	戊辰	丁巳	丙辰	乙巳	甲辰
癸未	壬午	辛未	庚午	己未	戊午	丁未	丙午	乙未	甲午
癸酉	壬申	辛酉	庚申	己酉	戊申	丁酉	丙申	乙酉	甲申
癸亥	壬戌	辛亥	庚戌	己亥	戊戌	丁亥	丙戌	乙亥	甲戌

一陽二陽三陽一陰二陰三陰

五行人體性情圖

水	金	土	火	木	
哀	怒	慾	樂	喜	一陽
精	鬼	意	神	魂	二陽
智	義	信	禮	仁	三陽
聲	味	形	色	臭	一陰
腎	肺	脾	心	肝	二陰
皮	骨	肉	毛	筋	三陰

今按皇極數本以九九爲用故以五行分屬六氣與前論卦位者不同然自火珠林以後以五行斷卦者亦此類也故列此圖以見推測者之可以隨所用云由此圖論之則一陽二陽者屬乎天者也三陽一陰者屬乎人者也二陰三陰者屬乎地者也經之以五行而入卦之象即其中而可見矣若太玄亦以九九起數而器物象列九六九地九人九體九屬九竅九序九事九十之目皆好奇自異與易象不相當故無取焉

象占指定事應

此即象占取應於易辭之中者也

○鄱陽汪氏所性作占例本名卜筮合象占爲一名所性

君道

卦比吉原筮元永貞无咎不寧方來後夫凶

筮比天下之道

豐亨王假之勿憂宜日中

筮虞豐亨之道

渙亨王假有廟

筮假廟

萃亨王假有廟用大牲吉

筮假廟致享

屯元亨利貞利建侯

筮立君

豫利建侯行師

筮立君用兵

晉康侯用錫馬蕃庶晝日三接

筮受朝觀

邪學相同別錄不卷之四

師貞丈人吉无咎

筮命將出師

夬揚于王庭孚號有厲告自己邑不利即戎

筮去小人

井改邑不改井

筮改邑

爻乾九五飛龍在天利見大人

筮與位

比九五顯比王用三驅失前禽

筮比道及田獵

家人九五王假有家勿恤吉

王者納后吉上

渙九五渙汗其大號渙王居无咎

筮發號施惠

屯初九盤桓利居貞利建侯

筮建侯

益上九得臣无家

筮用人

益六二王用享于帝吉

筮祭天

隨上六王用享于西山

筮祭天

升六四王用享于岐山

筮祭山

晉六二受茲介福于其王母

者筮先妣

離上九王用出征有嘉折首獲匪其醜死咎

筮征伐

既濟高宗伐鬼方三年克之

筮征伐

師上六大君有命開國承家小人勿用

筮賞戰功

泰六五帝乙歸妹以祉元吉

筮媾媾

歸妹六五帝乙歸妹

占同上

剝六五貫魚以宮人寵无不利

筮宮人

遯九三畜臣妾吉

臣道

爻坤六三或從王事无成有終

筮從王事

訟六三或從王事无成

同上不吉

大有九二公用享于天子小人弗克

筮朝覲

益六三有孚中行告公用圭

筮告公

益六四中行告公從利用爲依遷國

筮告公遷國

蹇六二王臣蹇蹇匪躬之故

大臣當國難之占

鼎六四鼎折足覆公餗其形渥凶

大臣不吉之占

訟獄

卦訟有孚窒惕中吉終凶

筮訟公

噬嗑利用獄

筮同

及訟初六不永所事小有言終吉

筮訟吉

訟九二不克訟歸而逋其邑人三百戶无眚

筮訟逋无眚

訟九四復即命渝安貞吉

筮訟貞吉

訟上九或錫鞶鞶終朝三褫之

筮訟受鞶鞶爲人所奪

蒙初六利用刑人用說桎梏以往吝

噬嗑初九屨校滅趾无咎

噬嗑上九何校滅耳凶

坎上六繫用徽纆寘于叢棘三歲不得凶

睽六三其人天且劓无初有終

兵師 附

卦師貞丈人吉

已見君道類

決不利即戎

爻師初六師出以律否臧凶

筮師以律吉

師九二在師中吉无咎王三錫命

筮師

師六三師或輿尸凶

筮師敗凶

師六四師左次无咎

筮行

泰上六勿用師自邑告命

同人九三伏戎于莽升其高陵三歲不興

同人九五同人先號咷而後笑大師克相遇

筮師克

謙六五利用侵伐无不利

謙上六利用行師征邑國

筮師利

復上六行師終有大敗國君凶十年不克征

筮行師凶

晉上九維用伐邑厲吉无咎

明夷九三明夷于南狩得其大首不可疾貞

夬九二莫夜有戎勿恤吉

未濟九四震用伐鬼方三年有賞于大國

履六三武人爲于大君

筮將帥

巽初六利武人之貞

屯六三即鹿无虞入于林中往吝

筮田不吉

師六五田有禽利執言无咎

田

恒九四田无禽

解九二田獲三狐得黃矢貞吉

巽六四田獲三品

家宅 妾附

卦家人利女貞

大過棟撓

爻蠱初六幹父之蠱有子考无咎厲終吉

蠱九二幹母之蠱不可貞

蠱九三幹父之蠱无大咎

蠱六四裕父之蠱往吝

蠱六五幹父之蠱用譽

家人初九閑有家悔亡

家人六二无攸遂在中饋貞吉

家人九三家人嗃嗃悔厲吉婦子嘻嘻終吝

家人六四富家大吉

家人上九有孚威如終吉

小畜九三夫妻反目

恒六五恒其德貞婦人吉夫子凶

困六三入于其宮不見其妻凶

漸九三夫征不復婦孕不育凶

漸九五婦三歲不孕終莫之勝吉

既濟六二婦喪其茀勿逐七日得

大過九三棟桡凶

大過九四棟隆吉

筮宅吉

豐上六豐屋蔀家闕戶无人凶

鼎初六得妾子无咎

筮納妾有子

遯九三係遯有疾厲畜臣妾吉

亦納妾吉占

小畜九四有孚攣如富以其鄰

泰六四翩翩不富以其鄰

謙六五不富以其鄰

震上六震不于躬于鄰无咎

婚姻

卦咸亨利貞取女吉

姤女壯勿用取女

漸女歸吉利貞

歸妹征凶无攸利

爻屯六二女子貞不字十年乃字

屯六四求婚媾往吉利

賁六四匪寇婚媾

易學四同別錄卷之四

二七

睽上九匪寇婚媾遇雨吉

蒙九二納婦吉

蒙六三勿用取女不有躬无攸利

大過九二老夫得其女妻无不利

大過九五老婦得其士夫无咎无譽

震上六婚媾有言

歸妹上六女承筐无寶士刲羊无血无攸利

師友容附

卦蒙亨童蒙求我初筮告利貞

爻損六三三人行則損一人一人行則得其友

隨初九出門交有功

隨六二係小子失丈夫

隨六三係丈夫失小子

豫九四勿疑明盍簪

咸九四憧憧往來朋從爾思

蹇九五大蹇朋來

解九四解而拇朋至斯孚

需上六有不速之客三人來敬之終吉

見貴

卦訟利見大人

蹇利見大人

升用見大人

巽利見大人

爻乾九二見龍在田利見大人

乾九五利見大人覲

蹇上九往蹇來碩吉利見大人

仕進隱附

卦大畜不家食吉

爻泰初九拔茅茹以其彙征吉

觀六三觀我生進退

觀六四觀國之光利用賓于王

中孚九二我有好爵吾與爾靡之

坤六四括囊无咎无譽

筮此宜隱

蠱上九不事王侯高尚其事

筮此宜隱

君子

筮與小人勝貞

卦泰小往大來吉亨

否不利君子貞大往小來

同人利君子貞

謙亨君子有終

剝不利有攸往

不利君子之占

遯亨 小利 貞

君子以遯
而亨之占

夬揚于王庭 孚號有厲 告自邑 不利即戎 利有攸往

君子去小
人之占

爻 否 九 四 有 命 无 咎 疇 離 祉

象君子
吉占

觀 初 六 小 人 无 咎 君 子 吝

觀 九 五 觀 我 生 君 子 无 咎

觀 上 九 觀 其 生 君 子 无 咎

剝 上 九 君 子 得 輿 小 人 剝 廬

遯 九 四 好 遯 君 子 吉 小 人 否

明夷 初 九 君 子 于 行 三 日 不 食

明夷六五箕子之明夷利貞

睽初九見惡人无咎

解六五君子維有解吉有孚于小人

夬九三君子獨行遇雨若濡有愠无咎

革上六君子豹變小人革面

未濟六五君子之光有孚吉

出行

卦坤君子有攸往先迷後得主利西南得朋東北喪朋

安貞吉

屯勿用有攸往

賁亨小利有攸往

剝不利有攸往

復亨出入无疾反復其道七日來復利有攸往

无妄不利有攸往

大過利有攸往

坎有孚維心亨行有尚

恒亨无咎利貞利有攸往

蹇利西南不利東北

解利西南有攸往夙吉

損有孚元吉无咎可貞利有攸往

益利有攸往

夬利有攸往

萃亨利有攸往

升南征吉

巽小亨利有攸往

爻屯六四往吉无不利

蒙初六以往吝

小畜上九君子征凶

履初九素履往无咎

泰初九拔茅茹以其彙征吉

隨六三利居貞

賁初九舍車而徒

復初九不遠復

復六四中行獨復

无妄初九无妄徃吉

无妄六二不耕穫不菑畲則利有攸徃

无妄六三或繫之牛行人之得邑人之災

无妄上九无妄行有眚无攸利

大畜初九有厲利已

大畜九三利有攸徃

大畜上九何天之衢亨

頤六二征凶

咸六二咸其腓凶居吉

咸九三咸其股執其隨徃吝

遯初六勿用有攸徃

大壯初九壯于趾征凶

晉六五徃吉无不利

明夷初九有攸徃主人有言

明夷用拯馬壯吉

筮避
患吉

明夷六四入于左腹獲明夷之心于出門庭

睽六四往何咎

睽上九往遇雨則吉

蹇初六往蹇來譽

三四同上性蹇

損初九遄往无咎

損六三三人行則損一人

損上九利有攸往

夬初九往不勝爲咎

夬九四臀无膚其行次且

夬九五中行无咎

姤初六有攸往見凶

姤九三其行次且厲无大咎

萃初六往无咎

萃六三往无咎小吝

困九二征凶

困上六征吉

革六二征吉无咎

革九三征凶贞厲

革上六征凶居貞吉

鼎九三其行塞

震六三震行无咎

震九四震遂泥

震六五震往來厲

震上六征凶

艮初六艮其趾

艮六二艮其腓

艮六四艮其身

漸九三夫征不復

歸妹初九征吉

豐初九往有尚

豐六二往得疑疾

巽初六進退

渙初六用拯馬壯吉

望濟

節初九不出戶庭无咎

節九二不出門庭凶

節九五往有尚

小過九四往厲必戒勿用求貞

未濟六三征凶

舟車

卦需有孚利涉大川

訟窒惕不利涉大川

同人于野亨利涉大川

蠱元亨利涉大川

大畜利涉大川

益利涉大川

渙利涉大川利貞

中孚利涉大川利貞

及謙初六用涉大川吉

頤六五不可涉大川

頤上九利涉大川

未濟六三未濟凶利涉大川

大有九二大車以載

大畜九二輿說輶

小畜九三輿說輻

大壯九四壯于大輿之輶

困九四困于金車吝

既濟初九曳其輪无咎

未濟九二曳其輪貞吉

旅客

卦旅小亨小貞吉

爻旅初六旅瑣瑣斯其所取災

易學四同川述卷之四

三五

旅六二旅即次懷其資得童僕貞

旅九三旅焚其次喪其童僕貞厲

旅九四旅于處得其資斧我心不快

旅上九旅人先笑後號咷喪牛于易凶

酒食

卦頤貞吉自求口實

大畜不家食吉

爻需九五需于酒食貞吉

噬嗑六二噬腊肉遇毒小吝无咎

噬嗑九四噬乾肺得金矢利艱貞吉

噬嗑六五噬乾肉得黃金貞厲无咎

困九二困于酒食

鼎九三雉膏不食

疾病

爻豫六五貞疾恒不死

无妄九五无妄之疾勿藥有喜

遯九三有疾厲

損六四損其疾使遄有喜无咎

鼎九二我仇有疾不我能即吉

豐六二往得疑疾有孚發若吉

兌九四商兌未寧介疾有喜

祭祀

卦觀盥而不薦有孚顒若

損有孚曷之用二簋可用亨

爻萃六二孚乃利用禴

升九二孚乃利用禴无咎

困九二利用享祀

困九五利用祭祀

既濟九五東鄰殺牛不如西鄰之禴祭實受其福

禱雨

卦小畜尊密雲不雨自我西郊

爻小畜上九既雨既處

睽上九往遇雨則吉

鼎九三方雨虧悔終吉

小過九五密雲不雨自我西郊

寇盜

爻蒙上九不利爲寇利禦寇

需九三需于泥致寇至

解六三負且乘致寇至

漸九三利禦寇

畜產

卦坤元亨利牝馬之貞

晉錫馬蕃庶

離畜牝牛吉

爻屯六二乘馬班如同上

賁六四白馬翰如

大畜九三良馬逐

明夷六二用拯馬壯吉初六同

睽初九喪馬勿逐自復

中孚六四馬匹亡无咎

无妄六三或繫牛行人得邑人灾

大畜六四童牛之牯元吉

遯六二執之用黄牛之革

睽六三見輿曳其牛掣

革初九鞶用黄牛之革

旅上九旅人先笑後號咷喪牛于易

大壯九三羝羊觸藩羸其角

大壯六五喪羊于易

大壯上六羝羊觸藩不能退不能遂

夬九四牽羊悔亡

歸妹上六士刲羊无血

大畜六五豮豕之牙吉

睽上九見豕負塗

姤初六羸豕孚蹢躅

鄱陽汪氏占例序曰昔者聖人用易明民托之卜筮然
所得之辭或有懸隔者如問婚而得田獵問祭祀而得
涉川問此答彼闊然不相對豈有遷就迂誕而用之者
哉若是則卦爻之辭皆贅言矣傳曰其言曲而中其事
肆而隱因貳以濟民行以明失得之報又曰明於天之
道而察於民之故是興神物以前民用又曰探頤索隱

鉤深致遠以定天下之吉凶成天下之亹亹者莫大乎
著龜故繫辭焉所以告也定之以吉凶所以斷也今占
筮所得之辭乃不應合而在於遷就用之則柰何哉蓋
嘗思之易以卜筮設教古人之卜筮蓋少非有大事不
疑不卜也其見於書者虞有傅禪之筮周有征伐之卜
而已故洪範曰汝則大有疑謀及乃心謀及卿士謀及
庶人謀及卜筮而從道之間人謀先之卜筮次焉誠以
事有兩可之疑而後托之卜筮也而其占又必誠敬專
一積其求決之真情至誠以達于神明故神明感應之
誠亦正告之以利害趨向而不浪漫也且易之初其以

六十四卦示人占例亦已廣矣求君父之道於乾求臣子之道於坤婚姻於咸恒漸歸妹待於需進於晉行師于師爭訟於訟聚於萃散於渙以至退於遯守於困安於泰鼎厄於夷蹇盈於豐大有壞於損蠱家人之在室旅之在塗既未濟損益大小過大小畜得失進退之義雖卦名爲七十九字文義明白條例具足亦可決矣此未有文王卦辭之前已可占斷况又三百八十四爻示之以變乎夫人誠有大疑謀及卜筮必積其誠意備其禮物齋戒專一以占之大傳曰是以將有爲也將有行也問焉而以言其受命也如響無有遠近幽深遂知來

物此占筮必得應合之辭受命者神明受禱占者之命辭也如響者應之端的而不漫浪以告也儻有一毫不敬不誠不一之心則問此而告彼闊焉不與事相酬答實神明之所不主而不告者也又何受命如響之云曷不即卦辭考之文王於蒙嘗起其占筮之教矣其言曰匪我求童蒙童蒙求我初筮告再三瀆瀆則不告利貞問子曰筮者扣神也再三瀆瀆則不告矣此文王之所以起其例也夫占而揲著積十有八變必成一卦卦必有卦辭爻必有爻辭何以言其告不告也蓋誠意專一而筮則神之告之卦辭爻辭應合所問如占婚姻與之

咸恒曰納婦吉曰勿用取女曰歸妹征凶无攸利占征
伐曰利用侵伐曰在師中吉曰不利行師曰勿用師占
田獵曰田獲三狐曰田獲三品曰即鹿无虞曰田无禽
若此者皆所謂告也若夫卦辭爻辭不應所占之事此
則誠意不至二三之瀆而所謂不告者也不然則得卦
爻必有辭以告之又何以有不告之云夫誠敬不至則
吾心之神明不存而神明之神亦爽得不合之辭而猶
曰神明之告我也必有他意揣摩臆度遷就曲推以定
吉凶以至狂妄僥倖辭之念皆自此生者古有之矣
是惑之甚也况世之占者忽畧滅裂褻瀆瑣細不敬尤

甚乃欲以此求神明之指其所之至於不驗又妄以爲卜筮之理不可信彼豈知告不告之道哉余有見乎此也乃取卦爻辭以人事分門別例編爲一書俾世之占者以類求之必本乎誠敬專一而知占之不安以告人也豈不有以解千古之惑而發聖人之蘊乎

今按朱子答呂東萊書有曰易中如利用祭祀利用享祀只是卜祭則吉田獲三品只是卜田則吉公用享于天子只是卜朝覲則吉利建侯只是卜立君則吉利用爲依遷國只是卜遷國則吉利用侵伐只是卜侵伐則吉之類推之於事此類不一亦欲私識其

說與朋友訂之而未能也語錄亦云易本爲卜筮設
如曰利涉大川是利於行舟也利有攸往是利於啟
行也大率如此又吳必大問何以得爻辭與所占之
事相應朱子答之曰自有此道理如今抽籤者亦多
與占相契若爻辭與占意相契即用爻辭斷如屯利
建侯屯只是卦如何去利建侯乃是占得此卦者之
利晉文公曾占得此卦屯豫皆有此辭果能得國萬
一占病却得利建侯又瀕卦爻上別討義今觀鄱陽
注氏之言本朱子意也但卦爻之辭取象於祭祀侵
伐之類本爲卦爻有利不利而發亦假象爾辭有盡

而意無窮豈以人專有祭祀侵伐等事而設此辭以
待其占哉占者之精誠足以感格則神或應所占之
事而告之固有此理不可以不告所占之事者即爲
不誠也雖事與辭不相應而以理推斷無不可知亦
不害其爲告也其人靈竅不開不能遂知來物然後
爲不告耳故汪氏此例亦執象之見也况其所陳卦
義亦多牽合未可以爲知易也夫大事卜小事筮禮
有明文而謂古人卜筮爲少非有大事不疑不卜則
又不知聖人以神道設教不敢自私已見之意矣

維集諸家占驗

此即以已意斷占有驗而非出於易理之自然者也

雙湖胡氏集爲一類本名筮法

○左傳所載占驗計本杜預意而畧文之

陳宣公筮公子完之生

䷓觀 ䷓否 一爻變

莊公二十二年陳人殺其太子御寇陳公子完奔齊

侯使敬仲爲卿辭使爲工正御寇陳宣公太子完御寇

工正掌百工官初懿氏卜妻敬仲其妻占之曰吉是謂鳳凰于

飛和鳴鏘鏘有媯之後將育于姜五世其昌並于正鄉

八世之後莫之與京懿氏陳大夫鳳凰和鳴猶夫婦相隨適齊媯陳姓姜齊姓京大也

陳厲公蔡出也故蔡人殺五父而立之姊妹之子也生

敬仲其少也周史有以周易見陳侯者陳侯使筮之遇
觀之否曰是謂觀國之光利用賓于王此其代陳有國
乎不在此其在異國非此其身在其子孫光遠而自他
有耀者也坤土也巽風也乾天也風爲天於土上山也
有山之材而照之以天光於是乎居土上故曰觀國之
光庭實旅百奉之以玉帛天地之美具焉故曰利用賓
于王猶有觀焉故曰其在後乎風行而著於土故曰其
在異國乎若在異國必姜姓也姜大嶽之後也山嶽則
配天物莫能兩大陳衰此其昌乎

四爲諸侯變乾有國
朝王之象艮爲門庭

乾爲金玉坤爲布帛諸侯朝王陳贊之象旅陳也百言
物備姜姓之光爲堯四嶽變在互體之艮而上比乾故

知配天之業當及陳初亡陳桓子始大於齊其後亡也

臨於大嶽之後

桓子名無字敬仲五世孫成子名常敬仲八年

成子得政

世孫胎八年楚始滅陳而復封至哀十七年

終滅之○今按此以周易占易至周始有辭也若夏商已前之易則但有卦象後凡言周易者放此

雙湖胡氏曰貞觀全體夾畫艮三至五互體亦艮今必

曰風爲天於土上爲山於天光照山之材故曰觀國之

光又曰庭實玉帛具天地之美故曰利用賓于王如此

則是觀因變否有乾天之光有艮山之材有坤地之土

又具乾天坤地之美爲贄而後成觀六四一爻之辭何

其繆也粗合傳會本不足法特以其去經最近取互體

甚明說象無滯礙爲有補焉耳看來左氏所載占辭決

非盡當時史氏之筆要皆左氏引而自文之言故祖合傳會處尤多

今按雙湖謂左氏所載占辭祖合傳會斯言得之矣但以其取互體爲甚明則文王周孔所重本不在是亦後人假此以觀卦中黨類之盛衰耳若杜氏以艮爲門庭乾爲金玉坤爲布帛則亦講師說卦之雜象而非出於聖人也豈可以陳敬仲事在先秦而遂定爲古法哉且其所占五世八世之言似亦後人已知桓子成子專權篡國而發者乃邪說也而欲據之以神易占其惑世誣民甚矣

畢萬筮仕於晉

䷆ 屯

䷇ 比

一爻變

閔公元年晉侯作二軍公將上軍太子巾生將下軍趙

夙御戎畢萬爲右以滅耿滅霍滅魏還賜畢萬魏以爲

大夫

晉侯獻公也夙趙襄兄畢萬魏犇祖父其後至魏也分晉爲諸侯右者爲公御右也耿霍魏皆姬姓

國卜偃曰畢萬之後必大萬盈數也魏大名也以是始

賞天啓之矣天子曰兆民諸侯曰萬民今名之大以從

盈數其必有衆

偃晉掌卜大夫

初畢萬筮仕於晉遇屯之比辛

廖占之

辛廖晉大夫

曰吉屯固比入吉孰大焉其必蕃昌

險也

難所以爲堅固比親密所以得入

震爲土車從馬足居之兄長之毋覆

之衆歸之六體不易

震變坤爲土震爲車坤爲馬是車從馮也震爲足爲長男坤爲母爲

衆初一爻之變有此六義不可易也

合而能固安而能殺公侯之卦也公

侯之子孫必復其始

比合屯固坤安震殺故曰公侯之卦萬畢公高之後後果子孫衆多

雙湖胡氏曰朱子啓蒙謂一爻變則以本卦變爻辭占

其下亦引畢萬所筮以今觀之未嘗不取之卦且不特

論一爻兼取貞悔卦體似可爲占者法也他倣此

今按雙湖論一爻變者不專主本爻爲斷真可以補

朱子未備若左氏之取象大槩本於說卦傳固後世

之臆見也其意與陳敬仲之占同亦邪說耳

魯桓公筮成季之將生

兼卜

大有三三乾 一爻變

閔公二年秋八月共仲使卜鱗賊公于武闡成季以傳

公適邾共仲奔莒乃入立之

共仲公子慶父通夫人哀姜故祿閔公武闡宮中小

門成季公子友以傳公入立之

成季之將生也桓公使卜楚丘之父卜

之曰男也其名曰友在公之右間于兩社爲公室輔季

氏亡則魯不昌

上楚丘魯掌卜大夫在公右者言用事也兩社謂周社亳社之間朝禘執政之

所在也

又筮之遇大有之乾曰同復于父敬如公所君乾爲

離變乾見敬於君同

及生有文在乎曰友遂以命之

秦伯伐晉卜徒父筮之吉

三三蠱

六爻不變

僖公九年齊師會秦師納晉惠公

晉獻公因驪姬之難太子申生死公重

耳夷吾出奔九年獻公卒秦穆公納夷吾是爲惠公

晉侯之入也許賂秦伯以河

外列城五旣而不與晉饑秦輸之粟秦饑晉閉之糴故

十五年秦伯伐晉卜徒父筮之

徒父秦之掌龜卜者卜人用筮隨其所見雜占

而文之不引吉涉河侯車敗詰之

涉河以秦伯涉河言晉侯爵車敗謂其車

乘敗壞未言軍敗也而晉侯見獲實由於此此正所筮之吉辭秦伯不解謂敗在已故詰之

對曰乃

大吉也三敗必獲晉君其卦遇蠱曰千乘三去三去之

餘獲其雄狐夫狐蠱必其君也蠱之貞風也其悔山也

歲云秋矣我落其實而取其材所以克也實落材亡不

敗何待

千乘侯車也三去即三敗之意所言蓋卜筮別書雜辭以狐論晉君落木取材言秋風落木實

則材爲三敗及韓壬戌戰于韓原秦伯獲晉侯以歸敗

人取也謂晉侯車穆姬曰晉君朝以入則婢子夕以死夕以入

則朝以死惟君裁之穆姬晉獻公女即伯姬爲秦穆公夫人乃舍諸靈臺

許晉侯平

雙湖胡氏曰朱子啓蒙六爻不變則占本卦彖辭而以內卦爲貞外卦爲悔今雖不及彖辭而以貞悔分彼我亦可以見占法矣

今按雙湖所言六爻不變占法亦是但其說全不根易理耳所爲雄狐者意必艮體一陽在二陰之上陰爲狐而陽爲雄有似於外君蠱惑自迷而冥行見止

之象歟

晉獻公筮嫁伯姬於秦

歸妹 ䷵

睽 ䷥

爻變

僖公十五年 初晉獻公筮嫁伯姬於秦 遇歸妹之睽 史蘇占之 史蘇曰 不吉 其繇曰 士刲羊亦无益也 女承

筐亦无貺也 西鄰責言不可償也 歸妹之睽 猶死相也

益血也 貺賜也 本歸妹上六爻辭而言上六无應所求不獲故下刲羊血上承无實秦在晉西故曰西鄰兌西方卦爲口舌故有西鄰責言之象 償答也 震變爲離水火焚燒害及鄰境此西鄰之所以有責言而无辭以答之也 相助也 睽則乖離而不助此皆震之離亦離之震 嫁女不吉之占下文乃申言此意

爲雷爲火爲嬴敗姬車說其輶火焚其旗不利行師敗

于宗立歸妹睽孤寇張之孤姪其從姑六年其遁逃歸

其國而棄其家明年其死於高梁之虛

震為雷神為火

震木又為離之母也巽秦姓姬晉姓火動熾而害木是

嫁女害其母家之象故曰為藏取姬震為車象車之輻

其在上六爻動則車不安於載故為車說輻之象震木之

動在上象旗變而為離故為火焚旗之象車敗旗焚故

不利行師任酒邑也火還害毋故敗不出國近在宗邑

韓有先君之廟故以宗解發孤飛上九爻辭也處睽之

極失位而孤故遇寇而有張孤之警姪晉子圍之象姑

秦穆姬之象離火乃震木所生故以姪女言則震於火

為姑而離為淫謂我姪者吾謂之姑此謂子圍質秦事

速亡也家指子圍婦懷贏此謂子圍在秦棄妻而逃歸

於晉事高梁晉地此謂惠公死之明年文公入而殺懷

公于高梁事皆詳言史蘇之占有應驗也○凡筮者用

周易則其象可推非此而往則臨時占者或取於象或

取於氣或取於時曰王相以成其占傳會以爻象則構

虛而不經故畧言

其歸趣以實之

及惠公在秦曰先君若從史蘇之占

吾不及此夫韓簡侍曰龜象也筮數也物生而後有象象而後有滋滋而後有數先君之敗德及可數乎史蘇是占勿從何益

雙湖胡氏曰按僖公九年九月晉獻公卒公子夷吾許秦穆公重賂穆公納之是爲惠公十年不與秦賂十一年晉荐饑乞糴于秦秦輸之粟十四年秦饑乞糴于晉晉閉之糴十五年九月秦伯伐晉獲晉侯十一月歸晉侯十六年晉太子圉質秦秦妻之二十二年子圉逃歸晉二十三年九月惠公卒子圉立是爲懷公二十四年九月秦穆公納公子重耳是爲晉文公二月壬寅入晉

師懷公奔高梁戊申文公使殺懷公于高梁史蘇之占
一何神也使晉侯踐言報施秦師不興占其能應乎然
史蘇謂嫁伯姬不吉今乃以伯姬說身逃難惠公猶曰
先君若從史蘇之占吾不及此不自反而咎先君誤矣
今按史蘇之言事皆傳會大失其實如懷公本惠公
之弟即里克所弑之卓也而以爲惠公子圉文公弑
之于高梁其誣莫有甚於此者已辯於春秋私考僖
公十年里克弑卓及二十四年晉侯夷吾卒下他又
何足論乎

晉文公筮勤王

燕

三三大有三三睽

一爻變

僖公二十四年冬甘昭公通於隗氏王替隗氏秋顏叔

桃子奉太叔以狄師伐周王出適鄭處于汜太

氏居于温

太叔襄王弟即子帶也

初襄王使大夫顏叔

以狄師伐周

王出適鄭

處于汜

汜鄭邑

伏以狄女隗氏為后太叔

懼狄怨已遂奉太叔

以狄師伐周

王出適鄭

處于汜

汜鄭邑

桃子

居汜

温周

二十五年春正月丙

秦伯師于河上將納王狐

偃言於晉侯曰求諸侯莫如勤王使卜偃卜之曰吉遇

黃帝戰于阪泉之兆公曰吾不堪也筮之

黃帝與炎帝之後戰阪泉

之野

戰卜得此兆

而勝之二帝相爭

而黃帝勝故今

得此兆為吉

晉文公不敢當帝兆故曰不堪而命筮之

命筮之

之

遇大有之睽曰吉遇公用亨于天子之卦戰克而王饗

吉孰大焉

此以九三爻辭占饗謂宴饗即享也

且是卦也天為澤以當日

天子降心以逆公不亦可乎大有去睽而復亦其所也

此又以卦象占乾為天兌為澤乾變為兌而上當離離為日在天垂曜於澤天子在上說心在下是降心逆

公之象去睽而復者去睽卦還論大有也晉侯辭秦師

而下三月甲辰次于陽樊右師圍温左師逆王四月丁

巳王入于王城取太叔于温殺之于隰城戊午晉侯朝

王王享醴命之宥

既行享禮而設醴酒又在之幣帛以助勸也宥助也

今按襄王之出五載蒙塵至晉文盟踐土而始迎復

辟別無晉侯勤王取太叔于温之事左氏之說乃傳

會也假使有之則文公攘楚而後勤王本其成筭即

位之初楚方強橫豈遑即有勤王之卜乎詳辯於春秋私考僖公二十四年天王出居于鄭下矣黃帝與炎帝之後戰阪泉似非上古聖神道化之事蓋亦誕說耳

王子伯廖引易論鄭公子

豐三三離

一文變

宣公六年鄭公子曼蒲與王子伯廖語欲爲卿

二子鄭大夫

伯廖告人曰無德而貪其在周易豐之離弗過之矣

上豐

六之變其辭曰豐其屋節其家闕其戶闐其無人三歲不覲凶義取無德而大其屋不過三歲必滅亡

一年鄭人殺之

雙湖胡氏曰言不可不慎也心一動於欲而形於言見吉凶焉豈伯廖舉豐上六之辭竒中哉易之變固已前知之矣觀此類其殆所謂易有聖人之道四焉其一曰以動者尚其變之謂乎夫所謂動不特謂我欲動而見諸行事也見人之善惡是非忽動其心而必尚易之變以論之亦是也吁易其神矣乎人心之靈其神矣乎

今按伯廖以易辭占非筮也然以易理言之上六有蒞屋之象蒞屋者豐之蔽也蔽則宜有滅亡之咎然三歲不覲之云亦偶中耳

晉知莊子引易論先穀之敗

三三三師三三臨 一爻變

宣公十二年春楚子圍鄭克之入自皇門至于逵路

莊王也前年鄭從楚盟辰陵而又傲事晉故楚圍鄭皇門鄭郭門塗方九軌曰逵 鄭伯肉袒牽

羊以逆王曰其君能下人必能信用其民矣退三十里

許之平鄭伯畏楚出降本非下人而能信用其民者此史氏文勝之辭也 夏六月乙卯

晉荀林父救鄭先穀佐之及河閭鄭既及楚平桓子欲

還彘子不可以中軍佐濟荀林父即桓子先穀即彘子時林父之弟荀首為下軍大夫是為知莊子曰此師殆哉周易有之在師之臨曰師

出以律否臧凶執事順成為臧逆為否衆散為弱川壅

為澤有律以如已也故曰律否臧則律竭也盈而以竭

易學本用別錄

天且不整所以凶也不行之謂臨有帥而不從臨孰甚

焉此之謂矣果遇必敗彘子尸之雖免而歸必有大咎

順成不逆命也坎為衆變為兌則柔弱坎為水變兌為澤則川見壅壅則不行也律法也如從也坎為法象法

行則人從法法敗則法從人今為衆而散為川而壅是

失法之用而法又從人也竭敗也坎變為兌法壅不行

乃法敗也天過亦壅塞之義水宜盈滿而不得整流則

不行而為臨是以臨取在下位者凌逼於上之義也遇

遯敵也尸主也此言先林父帥師及楚子戰于邲晉師

殺違命而必取禍也敗績邲地鄭明年秋濟狄伐晉及清先穀召之也冬晉人

討邲之敗與清之師歸罪先穀而無之遂滅其族

雙湖胡氏曰行不可不慎也心一動而差其所行凶悔

吝已隨之况兵凶器戰危事乎救鄭之師晉人所不得

已也鄭既及楚平桓子欲還當矣彘子乃不可已昧師
左次之訓乖長子帥師之義犯弟子輿尸之戒又况師
之臨失律否臧凶又有如知莊子之所云者乎其喪師
亡身滅宗固其宜矣嗚呼以動者尚其變知莊子引易
其殆所謂不假卜筮而知吉凶者歟讀易者試思之
今按此亦以辭占非筮也而其說易之言乃以意爲
解非得易理之精者也

晉厲公筮擊手楚子

三三二復

六爻不變

成公十六年春楚子以汝陰之田求成于鄭鄭叛晉從

楚子盟于武城夏四月晉侯將伐鄭師起楚子救鄭五

月晉楚遇於鄆陵楚子共王也汝陰之田在汝水之陰近鄭地鄭謂鄭成公武城楚地晉侯

厲公也鄆陵鄭地苗賁皇言於晉侯曰楚之良在其中軍于旗

而已請分良以擊其左右而三軍萃於王卒必大敗之

賁皇楚圖傲子宣四年奔晉公筮之史曰吉其卦遇復曰南國蹇射

其元王中厥目國蹇王傷不敗何待公從之復陽長之卦陽氣起

子南行推陰故曰南國蹇也南國勢蹇則離受其咎離為諸侯又為目陽氣激而飛矢之象元王猶言大君故

曰射其元王中厥目此卜筮書別有此辭不用周易也呂錡夢射月中之退入於

泥占之曰姬姓日也異姓月也必楚王也退入於泥亦

必死矣及戰射共王中目王召養由基與之兩矢使射

呂錡中項伏殺以一矢復命楚子宵遁晉入楚軍三日

穀

穀言食楚食三日也

雙湖胡氏曰此卦占辭與卦象絕不類註終未的確意者震坤拱巽離在中間楚正南國今有東方震西南角坤而无巽離西南共坤各得坤一半坤爲國豈非南國賊乎巽爲白眼離爲目无離无巽豈非喪目乎震爲蒼莨竹豈非矢乎若只就兩體占貞我悔彼初九元吉上六迷復凶有災青用行師終有大敗以其國君凶坤西南即南國也震木克坤土射之義也國君即元王也有災青青爲目疾即中厥目之象也亦可以旁通矣

今按雙湖之說雖比史占爲詳然亦牽強費力皆後世之見也

魯穆姜筮往東宮

巽三三隨

五爻變

襄公九年穆姜薨於東宮

東宮太子宮成公穆姜子穉姜淫僑如欲廢成公公方從

晉伐鄭還逐僑如而徙姜居東宮蓋閉之也事在成十六年

始往筮之遇艮之八史

曰是謂艮之隨隨其出也君必速出姜曰亡

史謂隨非閉固之卦

當有復出之時君指穆姜謂無此理下文乃詳言之

是於周易曰隨元亨利貞

无咎元體之長也亨嘉之會也利義之和也貞事之幹也體仁足以長人嘉德足以合禮利物足以和義貞固

足以幹事然固不可誣也是以雖隨无咎今我婦人而與於亂固在下位而有不仁不可謂元不靖國家不可謂亨作而害身不可謂利棄位而姣不可謂貞有四德者隨而无咎我皆无之豈隨也哉我則取惡能无咎乎必死於此弗得出矣

婦人卑於丈夫故曰在下位姣者淫之別名穆姜自知隨善則吉隨

惡則凶蓋其本心之明不能自昧也

雙湖胡氏曰棄位而姣等語正姜氏所諱豈肯自播其惡况其言曰是於周易曰隨元亨利貞无咎而繼之以元體之長云云則夏商所未嘗道可見此愚所以爲左氏本文言語作爲穆姜之言明矣一時不暇詳密徑以

夫子之言爲穆姜之言後之人反以爲夫子引穆姜之言也

今按穆姜所論元亨利貞之義雖本乾文言之辭然或周時已有此語而作文言者引之不必以爲起於穆姜也歐陽氏據以爲夫子引穆姜之言則過信矣然亦不可以左氏爲本文言而作也卦以艮變爲隨而曰艮之八者惟第二爻不變也不變之陰則爲八八而占隨之彖可見既變則不占之卦之不變爻也不變之爻在之卦於陰則爲六二不可謂之八矣

崔武子筮娶齊棠公妻

三三困三三大過 一文變

襄公二十五年春齊棠公之妻東郭偃之妹也東郭偃

臣崔武子棠公死御武子以弔見棠妻而美之使偃取

之偃曰男女辨姓今君出自丁臣出自桓不可棠公齊

夫崔武子即崔杼丁齊丁公杼武子筮之遇困之大過

之祖桓齊桓公偃之祖同姜姓史皆曰吉示陳文子文子曰夫從風風墮妻不可娶也

且其繇曰困于石據于蒺藜入于其宮不見其妻凶困

于石往不濟也據于蒺藜所恃傷也入于其宮不見其

妻凶无所歸也坎為中男故曰夫變巽故曰從風風能

者在石故往則不濟變兌為澤澤之生物惟蒺藜為險

故恃之則傷六三失位无應則喪其妻失其所歸也此

以六三
爻辭占

崔子曰廢也何害先夫當之矣遂取之莊公通

焉夏五月弑莊公立景公相之慶封爲左相

景公杵臼
靈公嬖人

子莊公異母弟慶
封崔黨左以尊右

初崔杼生成及彊而寡娶東郭姜生

明姜以孤入曰棠无咎與東郭偃相崔氏成疾廢立明

二十七年九月崔成崔彊殺東郭偃棠无咎崔杼怒見

慶封慶封使盧癸滅崔氏殺成與彊而盡俘其家其妻

縊癸復命崔子且御而歸之至則無歸矣乃縊崔明夜

碎諸大墓

寡特也偏喪曰寡即老而無妻之鰥无咎棠
公之子蒲盧癸慶封屬大夫御癸爲崔杼御

車也碎與闢同謂闢先人家而藏之崔杼見妻縊
無所歸而亦自縊此終入于其宮不見其妻之占

雙湖胡氏曰崔杼以一婦人之故弑其君滅其家殺其

妻而喪其身貪色違筮之禍酷烈如此悲夫

今按此惟以坎變巽及六三爻辭取義

鄭太叔引易論楚子

三三復三三頤 一爻變

襄公二十八年鄭伯使游吉如楚及漢楚人還之曰宋之盟君實親辱今吾子來寡君謂吾子姑還吾將使驛奔問諸晉而以告鄭伯簡公游吉即子太叔問諸晉者見故楚因鄭伯不親朝而欲問晉也子太叔歸復命告子展曰楚子將死矣不脩其德政而貪昧於諸侯以逞其願欲久得乎周易有之在復之頤曰迷復凶其楚子之謂乎欲復其願

而棄其本復歸無所是謂迷復能無凶乎君其往也送
葬而歸以快楚心楚不幾十年未能恤諸侯也吾乃休
吾民矣十二月楚子昭卒復願謂欲得鄭朝以復其願
棄本謂不脩德昭楚康王名
此年康王卒後至昭四年楚靈王復合諸侯于申距今
八年故曰不幾十年蓋以應爻辭十年不克征之占也
今按此亦以易辭論非筮也

秦醫和引易對晉趙孟

三三三 六爻不變

昭公元年晉侯有疾求醫於秦晉侯
平公秦伯使醫和視之

曰疾不可爲也是謂近女室疾如蠱非鬼非食惑以喪

志趙孟曰何謂蠱對曰淫溺惑亂之所生也於文皿蟲

爲蠱在周易女惑男風落山謂之蠱皆同物也。皿器也器受蟲

害者爲蠱巽爲長女爲風艮爲少男爲山得風則落趙孟曰良醫

少男而說長女非匹故惑山木得風則落

也厚其禮而歸之

今按此以卦象別起一義

魯莊叔筮叔孫穆子之生

三三三明夷三三三謙 一文變

昭公四年初穆子去叔孫氏及庚宗遇婦人使私爲食而宿焉適齊娶於國氏生孟丙仲壬夢天壓已弗勝顧而見人深目顴啄號之曰牛助予乃勝之旦而召其徒無之且曰志之及魯人召之歸旣立庚宗婦人獻雉問

其姓對曰余子長矣能奉雉矣召見則所夢也號曰牛
使爲豎有寵長使爲政公孫明知叔孫於齊歸未逆國
姜子明取之故怒其子長而後逆之牛譖而殺孟又譖
而逐仲穆子疾病牛竄饋弗進叔孫不食卒牛立昭子
相之穆子叔孫豹也僑如之弟成十六年避僑如難奔齊
齊宗魯地國氏齊正卿姜姓夢天墜己者穆子所夢也
殺啄口似猪也立者魯人昭穆子歸而立爲也
也姓生也問其生子否也穆子成十六年奔齊至襄二
年召立爲卿既立而庚宗婦人獻雉則豎牛必五六歲
矣豎小臣也公孫明齊大夫子知叔孫者謂穆子在齊
時明與相知也怒怒國姜爲明所娶也怒其母并留其
所生二子於齊俟其長始逆之歸魯也叔孫不食者豎
牛絕其糧三日而卒也昭初穆子之生也莊叔筮之遇
子名媯穆子之庶子也昭初穆子之生也莊叔筮之遇
明夷之謙以示卜楚丘莊叔叔孫得臣也穆子之父穆子之生當在宣公末年然季友

之生在桓公時已命卜楚丘卜之豈其人至宣公時尚在乎蓋楚丘魯地必其家居楚丘世業卜官故以地名

耳曰是將行而歸爲子祀以讒人入其名曰牛卒以餒

死將行謂有出奔之事而歸則繼莊叔以奉宗祀也卒以餒死謂豎牛之亂也此卜楚丘斷占之總語下文

乃詳言之明夷日也日之數十故有十時亦當十位自王以

下其二爲公其三爲卿日上其中食日爲二旦日爲三

明夷之謙明而未融其當旦乎故曰爲子祀明者離日也夷傷也

以數十謂甲至癸也十時當十位謂日中當王食時當

公平旦爲卿雞鳴爲士夜半爲卑人定爲輿黃昏爲隸

日入爲僚賙時爲僕日昃爲臺也融朗也離在坤下則

食日者不同是明未融而當旦也當旦則爲卿位莊叔

卿也爲穆子筮而得此象必嗣爲卿此申言爲子祀之意

日之謙當鳥故曰明夷于飛明而未融故曰垂其翼

象日之動故曰君子于行

離為日為鳥鳥則能飛變謙則日光不足於日未融不能

高飛故為垂翼初九陽剛得位君子象也在明傷之意當世居謙下之位故將避難而行此申言是將行之意

三在旦故曰三日不食

旦位在二又非食時謂豎牛不進饋而穆子三日絕糧也此申

言卒以餓死之意

離火也艮山也離為火火焚山山敗於人為

言敗言為讒故曰有攸往主人有言言必讒也純離為

牛世亂讒勝勝將適離故曰其名為牛

艮為言人焚而敗故知為讒純

離為牝牛火焚山則離勝而牛獨存故知為牛此申言以讒人入其名曰牛之意

謙不足飛不

翔垂不峻翼不廣故曰其為子後乎

不足卑近也翔回翔也峻高也廣廣

運也不遠去則必歸家故知當為非叔後此又申言歸字之意

吾子亞卿也抑少不終

終盡也旦日者正卿之位互卿不

昭子即位朝其家衆

足以盡卦體言當有進蓋諛辭也

曰牛禍叔孫氏殺適立庶罪莫大焉必速殺之牛懼奔

齊孟仲之子殺之塞關之外投其首於寧風之棘上寧風

齊地仲尼曰叔孫昭子之不勞不可能也周任有言曰爲

政者不賞私勞不伐私怨詩云有覺德行四國順之

雙湖胡氏曰此卦占辭亦多傳會又必兼之卦以論本

卦爻辭亦如前失

今按雙湖之論得之矣

衛孔成子筮立君

三三三屯

六爻不變

○三三三屯

三三三比 一爻變

昭公七年衛襄公夫人姜氏無子嬖人媯始生孟執紼孔

成子夢康叔謂已立元余使羈之孫圉與史苟相之史朝亦夢康叔謂已余將命而子苟與孔烝鉏之曾孫圉

相元史朝見成子告之夢夢協媯始生子名之曰元孟

絜之足不良能行姜氏宣姜也孔成子衛卿烝鉏也羈

在昭二年夢時尚未孔成子以周易筮之曰元尚稟衛

國主其社稷遇屯又曰余尚立絜尚克嘉之遇屯之比

以示史朝朝曰元亨又何疑焉成子曰非長之謂乎對

曰康叔名之可謂長矣孟非人也將不列於宗不可謂

長且其繇曰利建侯嗣吉何建建非嗣也二卦皆云子

其建之康叔命之二卦告之筮襲於夢武王所用也弗

從何爲弱足者居侯主社稷臨祭祀奉民人事鬼神從
朝會又焉得居各以所利不亦可乎屯之彖曰元亨利
居貞利建侯屯之
初九亦曰利建侯史朝之占以元爲名不以爲長非長
則非所當立故立則爲建行得屯卦皆利建侯是二卦
皆云也太誓曰朕夢協朕卜襲於休祥伐商必克此
武王所用也孟跛利居元吉利建是各以所利也故
孔成子立靈公

今按元靈公名元亨之元以意斷取義於名或神啓
之歟

魯南蒯筮以費叛

坤三三比 一爻變

昭公十二年季平子立不禮於南蒯南蒯欲出季氏使

子仲更其位不克以費叛如齊

蒯南遺之子季氏費邑宰也出逐也子仲公子

愍也更

南蒯之將叛也枚筮之遇坤之比曰黃裳元吉

以為大吉也示子服惠伯曰即欲有事何如惠伯曰吾嘗學此矣忠信之事則可不然必敗外疆內溫忠也和以率貞信也故曰黃裳元吉黃中之色也裳下之飾也元善之長也中不忠不得其色下不共不得其飾事不善不得其極外內倡和為忠率事以信為共供養三德為善非此三者弗當且夫易不可以占險將何事也且可飾乎中美能黃上美為元下美則裳參成可筮猶有闕也筮雖吉未也

泛筮曰枚坎險故疆坤順故溫水和則土安貞不黃不裳而失中德不可

以當此占有闕謂十三年費人叛南氏十四年司徒老

闕一則非參成也祁慮癸遂劫南蒯曰群臣不忘其君將不能畏子矣子

何所不逞欲請送子南蒯遂奔齊司徒老祁慮癸來歸

費老祁慮癸二人皆南蒯家臣君謂季氏歸費以費歸於魯也

雙湖胡氏曰朱文公嘗謂易中都是正吉不曾有不正

吉都是利正不曾說利不正又曰大率易爲君子設非

小人盜賊所得竊取而用又曰易中言占者有其德則

其占如是吉无其德而得是占者却是反說如南蒯得

黃裳元吉之占是也且載其事於坤六五爻而曰此可

以見占法矣學者宜有見於斯

今按易爲君子謀故不可占險但貞字之義先儒說
易未盡其曰貞吉利貞固是然有言貞凶不利君子
貞者則又有義存焉說見屯九五及否彖辭蓋貞靜
德也有宜以爲主者有不可過用者以此別之而已

晉蔡墨引易對魏獻子

☰☰乾☰☰姤☰☰同人☰☰大有☰☰夬☰☰坤皆乾變

☷☷坤☷☷剝坤變內五卦一爻變一卦六爻變

昭公二十九年秋龍見于絳郊魏獻子問於蔡墨曰吾
聞之矣蟲莫知於龍以其不生得也謂之知信乎對曰
人實不知非龍實知古者畜龍故國有豢龍氏有御龍

氏昔有颶叔安有裔子曰董父擾畜龍以事舜帝賜之
姓曰董氏曰豢龍其後又有劉累學擾龍於豢龍氏以
事夏孔甲賜氏曰御龍龍一雌死醢以食夏后既而使
求懼而遷于魯縣龍水物也水官棄矣故龍不生得不
然周易有之在乾之姤曰潛龍勿用其同人曰見龍在
田其大有曰飛龍在天其夬曰亢龍有悔其坤曰見群
龍无首吉坤之剝曰龍戰于野若不朝夕見誰能物之
絳晉國都蔡墨晉太史畜養也豢龍官名後亦為御龍
颶古國也叔安其君名玄孫之後為裔擾順也求求致
龍也魯縣即魯陽物謂見其形而周易能名之也說
易者皆以龍喻陽氣如史墨之言別為皆是真龍

雙湖胡氏曰乾六爻皆陽且變動不居故以為六龍之

象最爲的當豈得爲皆是真龍也哉然而善易者胸次
悠然與易爲一居觀象翫辭動觀變翫占真見其上下
無常剛柔相易是亦一真龍而已昧者未足與語此
今按龍陽物也故以取象不必遷就蔡墨之說爲真
龍也其曰夔龍蓋亦設官以事龍神欲興雲雨則有
術以致其來耳龍豈可夔之物哉云龍死而醢之乃
誕說也

史墨舉易對趙簡子

三三大壯

六爻不變

昭公三十二年十二月昭公薨于乾侯乾侯晉地昭二十五年公爲季

氏所逐奔齊齊不與納適晉又不趙簡子問於史墨曰
得入次于乾侯而卒在外凡八年趙簡子問於史墨曰
季氏出其君而民服焉諸侯與之君死於外而莫之或
罪也對曰物生有兩有三有五有陪貳故天有三辰地
有五行體有左右各有妃耦王有公諸侯有卿皆有貳
也天生季氏以貳魯侯爲日久矣民之服焉不亦宜乎
魯君世從其失季氏世脩其勤民忘君矣雖死於外其
誰矜之社稷無常奉君臣無常位自古以然故詩曰高
岸爲谷深谷爲陵三后之姓於今爲庶主所知也在易
卦雷乘乾曰大壯天之道也趙簡子名鞅妃與配同妃
耦即陪貳三后虞夏商也
乾爲天震爲諸侯而在乾上君臣
易位臣方壯大猶天上有雷也

雙湖胡氏曰昭公乾侯之事天地間人道非常之大變也史墨乃妄引陪貳之說而謂天生季氏以貳魯侯又明言社稷君臣無常奉無常位左氏從而書之其與春秋書公薨乾侯以誅季氏不臣之罪者異矣夫易乃崇陽抑陰之書雷在天上夫子大象但取其成四陽壯長之卦而曰君子以非禮弗履耳未必如杜氏注所謂君臣易位也史墨不求其義妄引以對可謂誣天矣天但使季氏貳君何嘗使季氏逐君哉如墨言一歸之天道則公僭王卿僭侯亂臣賊子接迹於世矣綱常安在請得爲易大壯一洗史墨之惡論

今按雙湖此論最爲嚴正不然人孰知史墨之爲邪說哉

陽虎在晉筮救鄭兼

三三泰三三需 一文變

哀公九年夏宋公伐鄭秋晉趙鞅卜救鄭遇水適火適

水火之兆服虔云兆南行適火卜法橫者爲土立者爲木邪向經者爲金背經者爲人因北而細曲者爲水

今按凡卜皆言兆而不言卦爻左氏所言蓋亦後世灼死龜之法也占諸史趙史墨史龜

史龜曰是謂沉陽可以興兵利以伐姜不利子商伐齊

則可敵宋不吉史墨曰盈水名也子水位也名位敵不

可干也炎帝爲火師姜姓其後也水勝火伐姜則可史

趙曰是謂如川之滿不可游也鄭方有罪不可救也救

鄭則不吉不知其他

沉陽者火陽得水故沉姜齊姓宋姓出自商故曰于商盈趙鞅姓

水盈坎乃行子姓又得北方水位二水俱盛為名位敵

火師炎帝以火名官也姜姓出自炎帝既盈而得水位

為川滿鄭先拯宋曲在鄭也故宋伐之救鄭則當伐宋

故不吉也三史之言皆不利于商之意時晉方欲伐齊

故其說陽虎以周易筮之

陽虎以定九年叛魯奔遇泰

如此之需曰宋方吉不可與也微子啓帝乙之元子也宋鄭

甥舅也祉祿也若帝乙之元子歸妹而有吉祿我安得

吉焉乃止

宋微子後今得泰九五爻有帝乙歸妹之祉故謂宋吉不可與戰止謂罷救鄭之師也此

與三史之卜占意同為明年晉趙鞅侵齊張本

今按宋鄭既以甥舅之親而以未應歸妹之吉乃聽

其伐鄭可乎蓋陽虎之意在於論利害非審是非也
然憑據爻辭猶可遷就若史占卜兆而以子姓之子
爲水之方以盈姓之盈爲川之滿是又論字義也於
姓何干其扭捏甚矣

○國語所載占驗註本韋昭意而畧文之

晉筮立成公

三三乾三三否三爻變

周語簡王十二年晉孫談之于周適周事單襄公襄公
有疾召頃公而告之曰必善晉周將得晉國

談晉襄公之孫惠伯

談也周談之子晉悼公名晉自獻公用驪姬讒誣不畜群公子故周適周事單襄公頃公襄公子成公

之歸也吾聞晉之筮也遇乾之否曰配而不終君三出

焉成公晉文公庶子黑臀也歸者自周歸晉也趙穿弑靈公趙盾逆黑臀于周而立之筮者筮立成公也乾

君也故曰配配先君也不終子孫不終為君也下變坤

有臣象上下不交故否隔不終坤體三爻故三也上乾

天也五亦天子位五體不變周天子國也三爻一既往

矣後之不知其次此必晉仍無道而鮮胄其將失之矣

必蚤善晉子其當之也一謂成公當其一也往謂歸晉

周子也其三未知為誰故曰後之不知無道謂厲公無君道而將失國也胄後嗣之名謂公族鮮有為之後者

而周子將當其次頃公許諾及厲公之亂召周子而立

之是為悼公亂謂見弑

今按此以乾坤分上下而取義於君臣其象則是然

晉人立君之占則妄意推測而襄公之說乃小人比周之計耳

晉公子重耳筮得國

夏言屯三三豫

三爻變

晉語秦伯召公子於楚楚子厚幣以送公子于秦

秦伯穆公

也公子晉重耳也楚子成王也

公子親筮之曰尚有晉國得貞屯悔豫

皆八也筮史占之皆八不吉閉而不通爻無爲也

本卦爲貞

之卦爲悔少陰之數爲八屯之豫三陰爻皆不動故爲八謂墜也凡爻動則變通不動者無爲之象故墜而不

通筮史蓋以象占不及卦辭也司空季子曰吉是在周易皆利建侯不

有晉國以輔王室安能建侯我命筮曰尚有晉國筮告

我曰利建侯得國之務也吉孰大焉震車也坎水也坤
土也屯厚也豫樂也車班內外順以訓之泉貨以資之
土厚而樂其實不有晉國何以當之震雷也車也坎勞
也水也衆也主雷與車而尚水與衆車有震武也衆順
文也文武具厚之至也故曰屯其繇曰元亨利貞勿用
有攸往利建侯主震雷長也故曰元衆而順嘉也故曰
亨內有震雷故曰利貞車上水下必伯小事不濟雍也
故曰勿用有攸往一夫之行也衆順而有武威故曰利
建侯坤母也震長男也母老子彊故曰豫其繇曰利建
侯行師居樂出威之謂也得國之卦也

班徧也屯內體
豫外體皆震坤

順也屯互體豫內體皆坤屯豫互體皆有艮坎水在山
為泉屯得坤土故厚豫為樂坎勞卦為勞水之所聚亦
為衆主者內為主也嘉猶言嘉會車動而上戒也水動
而下順也有威而衆從必霸也震一索而得男故曰一
夫行以震為足言也未及衆順則但為一夫之行
而已母老召內之樂象也子彌出外之威象也

惠公卒十二月秦伯納公子

公子重耳是為文公

今按此以本卦之卦彖辭及取雜象占而以震為主

晉大夫筮公子重耳歸國

三三泰

六爻不變

晉語秦伯納公子及河董因迎公子於河

因周大夫有之後之晉

為董史

公問焉曰吾其濟乎對曰歲在大梁將集天行元

年始受實沈之星也實沈之墟晉人所居所以興也今

君當之無不濟矣君之行也歲在大火闕伯之星也是

謂大辰辰以成善后稷是相唐叔以封瞽史記曰嗣績

其祖如穀之滋必有晉國集成行道謂晉文公得成天

在大梁之下歲在大梁者僖公二十三年歲星在大梁

之次也二十四年歲星自大梁交於實沈之次是為晉

文公之元年受謂實沈受於大梁也晉之初封主祀參

星大火辰星也闕伯商時諸侯主祀大火以相后稷成

善道故辰為農祥唐叔封晉亦以大火之歲僖五年歲

在大火晉文公出奔故以此為得國之祥瞽史亦唐叔

時卜臣筮之得泰之八曰是謂天地配亨小往大來今

史及之矣何不濟之有且以辰出而以參入皆晉祥也而

天之大紀也濟且秉成必霸諸侯子孫賴之君無懼矣

八以三陰爻之不動者言也陰欲其靜則不掩陽故以

八占配謂交合也彖辭曰小往大來吉其此以亨言於

前者秦之時所重在亨也小陰大陽陽主於進而陰退去諸侯爲王之象也韋氏以小喻子圍大喻文公不惟失實也亦邪

公子濟河懷公奔高梁壬寅公入于晉師甲辰秦伯還丙午入于曲沃丁未入于絳即位于武宮戊申刺懷公于高梁

今按晉文公無刺懷公於高梁之事此誕說也辯見前晉獻公筮嫁伯姬于秦下

○家語所載占驗

孔子筮得賁

三三賁

六爻不變

孔子筮得賁愀然有不平之色子張進曰師聞卜者得

賁卦者吉也而夫子有不平之色何也孔子對曰以其
離邪在周易山下有火賁非正色之謂也夫質也黑白
宜正焉今得賁非吾兆也吾聞丹漆不文白玉不雕何
謂也質有餘不受飾也

今按孔子占賁之言似有尚質之意筮而得賁則文
明而止可也何必愀然不平邪意或記者懼之之過
而爲此矯徃過直之言耳然非賁本旨也

○易緯坤鑿度所載占驗

孔子筮得旅卦

三三三旅

六爻不變

仲尼魯人生不知易本偶占其命得旅請益于商瞿氏
曰子有聖知而無位孔子泣而曰天也命也鳳鳥不來
河無圖至嗚呼天之命也歎訖而後息志停讀五十究
作十翼

雙湖胡氏曰商瞿受易夫子者也夫子乃請益焉何哉
至於泣無位歎息天命之不與其然豈其然乎抑微妾
乃緯書未可以爲信也

今按鑿度之言孔子說易也亦甚淺矣

○漢晉至宋雜記占驗雙湖胡氏抄附於袁周
占驗之後本名附抄

宋丘濬茲當改元

三三豐 六爻不變

宋丁未錄楊繪過池陽見丘濬濬曰明年當改元以周易步之豐卦用事必以豐字紀年果改年元豐

雙湖胡氏曰此以卦名占者雖不筮而步之亦以動尚變之義也

宋葉助占得子

三三賁 六爻不變

洪氏夷堅志宋南渡前葉助年壯無子問日者黃某筮之得賁曰今日辰居土土加賁爲墳君當生子但必有悼亡之戚果生男數歲而晁夫人卒

葉少蘊筮生子

三三晉

六爻不變

夷堅志葉助生少蘊少蘊登第爲淮東提刑周崇實婿嘗命一黃山人筮遇晉曰三年後孿生二女晉卦坤離二陰也晉字兩口卦辭晝日三接三年之象也俟驗當以前程奉告已而果然少蘊遂問異時休咎曰公貴人也當徧歷清要登政府終節度使宜善自愛少蘊後爲尚書左丞紹興間年七十告老得觀文殿學士除崇慶軍節度使致仕二年薨竟如黃生之言

雙湖胡氏曰前一則以卦字加日辰占此一則以卦字

宋太祖召陳搏筮

三三離三三明夷

二爻變

宋朝類要太祖即位召陳搏問享國長短命筮之得離之明夷搏曰陛下得國中原而得南方火盛之卦非吉兆也太祖問朕壽幾何搏曰子年子月子子日陛下終於火日之下離爲火日陛下之子孫盡矣太祖曰孰敢爲之搏指離九三及明夷之九三曰此人爲之其人在西北陛下之親也太祖又問後復若何搏曰後一百九歲南方有妖氣入中國中國用之天下自此多事矣太祖又問宋之子孫搏曰甲午之歲有金字者出丁酉金爲

妻才子孫生之其禍滋甚又六年而通於中國又六年
丙午騰蛇宋其危乎有二君者實受其禍宋火德也火
德猶盛宋之子孫當有興於東北終於東南有近君者
實竊其位明夷之六四曰獲明夷之心于出門庭東北
之位也出涕沱若興復之志也近君者雖竊其位火德
也丁巳歲其危乎太祖又問中原可復得乎曰陛下得
國之初而卜得東南旺卦亦終而已矣歲在癸巳滅我
者其衰乎甲午宋德復興有賢人扶之則可以復占如
非其人雖能復之亦旋失之歲在庚申宋之祚其衰矣
自辛酉至庚申已三百年過此以往未之或知也

及卦辭占所謂建節者其亦康侯之象也

有人筮父疾

三三泰

六爻不變

比史趙輔和傳有人父爲刺史得書云疾是人詣館托別相知者筮遇泰筮者曰此占甚吉是人出輔和謂筮者云乾下坤則父入土矣豈得吉果凶

晉顧士群筮母病

三三歸妹三三隨

二爻變

郭璞洞林顧士群母病命筮之得歸妹之隨云命盡秋節至七月遂亡歸妹女之終兌主秋至立秋日亡

雙湖胡氏曰前一則以卦體卦象占此一則以卦氣及雜卦辭占程舜俞集筮法云按六經圖卜云泰天地氣交之卦也而占父者憂之父入土也歸妹男女有家之卦也而占母者患之女之終也觀此亦可見占法矣

東漢沛獻王筮雨

三三蹇

六爻不變

東觀漢記沛獻王輔善京房易永平五年卜雨上御雲臺闕自以周易占之得山水蹇卦其繇曰蟻封穴大雨將至以問輔輔曰艮下坎上蹇艮爲山坎爲水山出雲爲雨蟻穴居知雨將至故以蟻封爲雨兆果如其言

易學通義卷之四

七三

晉郭璞歲首為朝廷筮

在元帝太興初

既濟 五爻變

晉書郭璞傳璞為著作郎上疏曰臣歲首占得解之既濟方涉春木龍德之時而為廢水之氣來見乘如升陽未布隆陰仍積坎為法象刑獄所麗變坎加離厥象不燭以義推之皆為刑獄殷繁按解卦繇曰君子以赦過宥罪既濟卦繇曰君子以思患而豫防之宜發哀矜之詔蕩滌瑕釁贊陽布惠疏奏優詔報之

雙湖胡氏曰此以卦象占要之郭璞特假卜筮以攄其忠君愛國之懷抱正嚴君平與人子言依於孝與人臣

言依於忠之微意也論卜筮者又不可不察

田紇筮出師

三三乾三三同人 一爻變

唐書田紇將朝京師筮遇乾之同人卜者曰此行當見
一大人後果見郭子儀而還

雙湖胡氏曰此以九二爻辭占郭子儀德雖未及然其
至公無我亦可謂當時之大人矣

比齊神武筮室中無火而有光

三三乾三三大有 一爻變

比史比齊神武室中無火而有光筮遇乾之大有占者

易學四庫全書卷之四
一三
曰吉易稱飛龍在天大人造也貴不可言

雙湖胡氏曰此以九五爻辭及文言辭占

段晦筮馬逸

三三睽

六爻不變

五代史唐葉城鎮將段晦曾夜泊郵亭有馬斷鞅而逸
數日不知所適使使詰筮者董賀筮之遇睽據初九用
事應以失亡之事毋乃馬乎勿逐自復必有繫而送之
者回家未曾入舍果有邊鄙惡子牽而還之

雙湖胡氏曰此以睽初九爻辭占

路晏筮伏盜

三三夫三三革

一文變

五代史唐明宗時行肇司馬路晏夜適廁有盜伏焉晏
心動取燭照之盜即告晏請勿驚某稟命有自察公正
直不敢刺劍匣劍而去由是晝夜驚懼以備不虞召董
賀筮遇夫二爻用事曰惕號莫夜有戎勿恤察象徵辭
大有害公之心然難已過但守其中正請釋憂心晏亦
終無患

雙湖胡氏曰用夫九二爻辭占又朱子語錄載王子獻
占遇夫九二占者曰後有兵權果得洪帥是又以戎象
為有兵權也

或人筮婚姻

三三小過

六爻不變

程沙隨外編云或人筮得此者不與其占再筮之亦得小過爲占之曰內卦互得漸漸女歸吉外卦互歸妹說以動所歸妹也

雙湖胡氏曰此以初至四互一卦再以三至上又互一卦爲占亦占之變例

漢武帝筮伐匈奴

三三六過

六爻不變

西漢匈奴傳武帝輪臺之詔曰古者出師卿大夫預謀

叅以著龜不吉不行乃筮之得大過又在九五曰匈奴
困敗不可失時及今計謀卦兆皆反

雙湖胡氏曰程舜俞集筮法載師春曰大過木兆卦也
外克內之兆匈奴所以敗也然此卦體本不吉師春自
以京房易占反指匈奴爲內言其受克而敗此不可曉
豈筮者以九五君爻爲主兌金克巽木而言匈奴困敗

大過於京房八宮卦
屬震木故曰木兆

今按晉漢以下十四條皆雙湖胡氏抄附春秋以後
占法者杜氏春秋解後序云晉大康元年三月汲郡
有發舊冢者得古書一卷純集左傳卜筮事名曰師

春則師春者晉前人也而程舜俞集漢武帝筮伐匈奴得大過已載師春斷辭則漢時筮法疑師春已收集中特其書不全而雙湖亦纂成之并抄附晉後事耳然其於附抄條下言筮法有以卦名占者有以卦字占者有以卦氣占者有以卦體卦象占者有以卦爻辭占者有以世應納甲占者不一而足以今觀之不但後世之占用此法也雖春秋內外傳所言大率如此於易本意蓋又失傳矣惟陳搏有得於養生之學睡隱華山神明內照已能如蜀山人董五經之前知有不待卜筮者特假卦爻以顯其用非若他人之

以意推測者可比然大槩本火珠林法亦未盡得易
意也雙湖所叙於漢晉後事皆以類從不論世次先
後而於郭璞洞林則稱其全用五行六神及年月日
諸煞神占靈驗無比不可勝書故於所抄附者畧存
一二今復加洞林之摘出者八條以備參考云

○郭璞洞林所載占驗

本舊註而損益之

為中丞相揚州卦安危諸事

三三咸三三井

二爻變

歲在甲子正月中丞相在揚州

甲子惠帝末興元年也中丞相曹卿和恭王之

子名靈後為元帝睿初徙封會稽尋還卿和進為左丞相鎮建康時在揚州

令余卦安危諸

事得咸之井按卦東北郡縣有武名地當有銅鐸六枚

一枚有龍虎象異祥

兌為金金有口舌來達號今者銅鐸也東北丑位則金墓也晉陵武

進縣即武名地也

又當犬與豬交者

之卦井五爻在坎體為成也二爻在巽體為亥猪

也土勝水亥與本卦午相連午戌會

民當以水妖相警

火局則犬猪二物相交合為一體

西南郡縣有陽名者井水當自

成坎當出大水之象

沸湧之象也縣有陽名者謂歷陽也以建康為主則武

進在東北歷陽在西南

虎來入州城寺

兌西方虎卦艮山又為門闕虎出山而入門闕正月

建寅戌為大煞乃刺史宅虎屬寅併臨寅月此大人將與之兆也

東方當有蠚鼠為災

必食稻稼

井三四爻互離為蠚有體眼相連之象艮為鼠又然陰在子亦鼠而歲子來刑卯故知

東方有災

又當以鵝應翔為瑞

井下體其年晉陵郡武進縣

民陳龍果於田中得銅鐸六枚言六者用坎數也銅者

咸有兌象故也口有龍虎文又得者名龍蓋審良生金

之用武者乃主金言也

兌爲口舌爲虎二卦皆互乾爲龍此口有龍虎文之象也人名

龍亦龍象也地名丹徒縣流民趙子康家有狗與吳人

豬相交其年六月天連雨百姓相驚妖言云當有十丈

水翕然駭動無幾自靜又衆人傳言延陵大陂中有龍

生草蓐復數里竟不知其信否其明年丑歲九月中吳

興臨安縣民陳嘉得石瑞此祥氣之應也又明年寅歲

六月十五己未日未時歷陽縣中井水沸涌經日乃止

陰陽相感各以其類亦是金水之應也六月晦日虎來

州城浴井中見覺便去其秋冬吳諸都皆有蠚鼠爲災
鼠爲子子水蠚亦水物皆金之子晉主初登祚五日有
群鵝之應此論一歲異事畧舉一卦之意

占晉王將即祚

三三三豫三三三睽 三爻變

攝提之歲晉王將即祚太歲在寅爲攝提格

此戊寅年也丞相睿

已立爲晉王聞愍帝爲劉聰所弒是年三月即皇帝位改元大興是爲元帝

余自通占國家

徵瑞之事得豫之睽按卦論之曰會稽郡當出鍾以告

成功王者功成作樂會稽晉王初所封國又會稽山靈
祥之所興也出於民家井者子爻併故知此實王者受

命之事也。上有銘勒，離爲文章。與太子爰併，故知晉王受命之事。準此應在民間井池中得之。鍾出於民家井

中者，以象晉王出家而王也。金以水爲子，子相扶而生

此即國家之祥徵也。

二卦皆互坎，此子爰併也。上震變離，震爲太子，離爲文章，是文章與

太子爰併也。

繇辭所謂先王作樂崇德，殷薦之上帝，言王者

祭天以告成功，亦安樂無事也。其後歲在執徐。

太歲在辰曰執

徐此當爲戊辰也。

會稽郡剡縣陳青井中得一鍾，長七寸四分

口徑四寸半，噐雖小，形製甚精。上有古文奇書十八字。

時人莫之能識。蓋王者踐祚必有靈符，塞天下之心，與

神物契合，然後可受命。觀鐸啓號於晉陵，鍾造成於會

稽端不失類皆出以方天人合際不可不察也

因寇戎並作卜逃死之處

此據本文言
卜即筮也

三三明夷

六爻不變

三三同人 三三革

一爻變

百咎隨三三升

五爻變

余鄉里遭危難因之災厲寇戎並作百姓遑遑靡知所
投於是普卜郡內縣道可以逃死之處皆遇明夷之象
乃喟然而嘆潛命姻妃與共流遁當由吳坂遇賊却回
之河北時草賊劉石集群掠害勢不可過於是同行君
子未審所之乃令吾決其去留卦遇同人之革其林曰
朱雀西北白虎東起姦猾啣璧敵人東手占行得此是

謂无咎

離為朱雀兌為白虎言火能銷金之意
兌為口乾為玉正在口中故曰銜壁

余初占

未定衆不從却退猗氏縣而賊遂至諸人惶窘方計從此至河北有一間逕名焦丘極險難過然勢危不可得停復自筮之得隨之升其林曰虎在山石馬過其左駁為功曹猶為主者垂耳而潛不敢來下爰升虛邑遂釋魏野兌虎震馬互艮山石駁猶二獸名能伏虎虎屬金能伏之者火也卦中無火象此必以午年月日占火勝之氣也則駁猶當為火象兌虎去則不敢下犯震馬而隨其所潛矣虛邑以升九三爻辭言升之三於納甲為辛酉即虎象當為城也虛邑蓋指魏野謂舍而不攻魏野即河北人以說欲從此道之意咸失色喪氣無有替者乃更申命契以禍機約十餘家即涉此逕詣河北後賊果攻猗氏

合城覆沒

因昌邑不靖占避難之處

三三三泰

六爻不變

三三三既濟

六爻不變

三三三否

六爻不變

三三三小過

三三三坤 二爻變

昌邑不靖復南過潁由脉頭口渡去三十里相傳高賊屯駐柵斷渡處以要流人時數百家車千乘不敢前令余占决得泰欣然語眾曰群類避難而得拔茅彙征之卦且泰者通也吉又何疑吾爲前驅從者數十家至賊界賊已去餘皆迴避樛津渡爲賊所劫至淮南安豐縣諸人細然懷悲咸有歸志令余卦决之卜住安豐得既

濟其林曰小狐迄濟垂尾累衰初雖偷安終靡所依按

卦言之秋吉春悲

垂尾累衰者言垂渡而困

卜詣壽春得否其林曰

乾坤蔽塞道消散虎刑挾鬼法凶亂則何時時建寅

僵尸交林血流漂此占行者入塗炭

十一月虎刑在午為鬼鬼即賊寅火

鬼生處虎刑與鬼并故僵尸漂血

卜詣松滋不吉卜詣合淝又不吉卜

詣陽泉得小過之坤其林曰小過之坤卦不奇雖有旺

氣變陽離初見勾陳被牽羈斷過則可羈不宜將見劫

追事幾危賴有龍德終無疵

卜時立春其氣雖盛而卦中二陽變陰成坤則陽廢

矣勾陳土也辰在初爻故也

十二於是諸計皆不可伴

人悉散乃獨往陽泉會壽春有事周馥反為陽泉群凶

所迫登時惶慮卒無所至乃至廬江其春三月諸家住
安豐者爲賊所得所謂春悲也松滋合淝殘夷更相攻
人無有全者

占仍叔寶患傷寒得牛而愈

三三三 遯三三三 姤一爻變

義興郡丞仍叔寶得傷寒疾積日危困令卦得遯之姤
其林曰卦象出墓氣家囚變身見絕鬼潛遊爻墓充刑
鬼煞俱卜病得此歸蒿丘誰能救之坤上牛若依子色
吉之尤按林即令求白牛

乾體屬金艮土在丑位爲金
墓爻見墓丙午又直世生丑

卜時五月的金在囚而入墓身即世也丙午變辛亥在
五月亥水當夏下能制火故鬼但潛遊戌能生我而爲

鬼墓初六碎丑丑刑戌故言克刑戌見刑則午火不死
金終為火勝也金為白虎乾金在上而月煞又臨丑虎
煞相并也救之全在白牛下爻丑為牛辛金色白此金
盛之象虎煞在丑壓之令伏不動故能扶身勝鬼又艮
東北方陽土坤西南方陰土陰土得陽土相衝而後和故牛須自冲土來也而廬江荒僻卒
索不得即日有大牛從西南來詣途中仍留一宿主人
乃知過將去去之後尋復撓斷網來臨叔寶叔寶驚愕
起病得愈也

占桓茂倫嫂病殮鬼即愈

䷉ 賁 三三 豫 四爻變

四爻變

丞相掾桓茂倫嫂病困慮不能濟令余卦得賁之豫其
林曰時陰在初卦失度熬陰為刑鬼入墓建未之月難

得度消息卦爻爲扶助馮馬之師乃寡嫗自然竒救宜
殮兔子若恤之得守故卜時四月降陰在初而見陽爻此爲失度四月煞陰在申申爲木鬼與煞陰并又身爲卯變入乙未未是木墓乙未當是乙丑亦相承之誤也馬午午爲火馮亦馬申是煞陰以火性消之能變震互體成巽巽爲寡婦兔屬卯所謂破墓出身茂倫歸求得兔令嫂
食之便心痛不可堪於是病愈

占景緒食兔愈病

臨三三頤 二爻變

東中郎參軍景緒病經年不瘥在丹徒遣弟景岐來卦
六月癸酉日得臨之頤其林曰卯與身世并而扶天醫

醫六月天按卦病法當食兔弟歸捕兔食之而瘥

占弘恭言家有祥

三三三三解 一文變

余至揚州從事弘恭言家以余曰家適有祥誠爲卦卜

之遇豫之解其林曰有金人象無火形離不見也變見夜光

連月精坎爲月潛龍在中不行言蟄按卦卜之藻盤鳴

金妖所憑无咎慶藻盤非鳴或有鳴其家至今無他恭

言大駭云前夜月出盥盤忽鳴中有盤龍象也

今按此叙璞占八條亦以類從不依洞林舊次其法

本京房火珠林最爲詳密但其書不傳世未及見不

知璞術能盡同於房否也又按史稱璞好經術博學

高材善詞賦妙於陰陽筭曆有郭公者授以青囊中書九卷遂洞五行天文卜筮之術禳災轉禍通致無方此誠可以遠軼梓禪豈特中興才學之宗哉但倚於象數所見其僉雖有竒中於易理無關故其試人嘗用妖術如救馬携婢之事皆非正道也又性輕易不脩威儀嗜酒好色負伎騁能昧於進退之幾此與房之談易何異故璞嬰王敦之禍亦猶房遭石顯之讒也善學易者豈宜至是哉

○梅花數所載邵康節占驗

觀梅占

三三革三三

初九爻變

辰年十二月十七日申時康節邵先生偶觀梅見二雀
爭枝墜地先生曰不動不占不因事不占因占之辰年
五數十二月十二數十七日十七數共得三十四數除
四八三十二得二兌爲上卦加申時九數總四十有三
除五八四十得三離爲下卦是爲澤火革又以四十三
總數除七六四十二得零一數爲動爻則初爻變爲咸
互見乾巽○斷曰詳此卦明日晚當有女子折花有跌
傷之厄遂屬家人曰若有人折花慎勿驚之次日晚果
有一鄰女來折花園童不知而逐之女子驚墜失手傷

股果應其占蓋兌金爲體爲少女 火尅之互中巽木復生起離火則尅體之卦也兌爲少女因知女子股傷互中巽木又逢乾兌之金尅之則巽木被傷巽爲股又見股傷之意幸而變爲艮土兌金得土有生意雖女子彼傷而不至於死矣

占內凡內外卦無動爻者而體有動爻者爲用

牡丹占

三三姤三三鼎

九五爻變又

巳年三月十六日卯時 生偶在洛中與客共觀牡丹值花開之盛客曰花亦有數乎先生因問而遂占之以巳年六數三月三數十 日十六數共得二十五數除

三八二十四得一乾爲上卦加卯時四數總二十有九
又除三八二十四得五巽爲下卦又以二十九總數除
四六二十四得零五數爲動爻是爲天風姤之五爻變
鼎互見重乾遂謂客曰此花明日午時當爲馬所踐毀
衆客愕然果次日午時有貴官遊觀牡丹二馬鬪嚙驚
走花間踐毀之矣○斷曰巽木爲體乾金尅之互卦又
見重乾尤爲尅體之卦卦中又無生意因知牡丹必毀
傷馬者乾爲馬也午時者離卦也

夜扣門借物占

三三姤三三巽

九四爻變

冬夕酉時先生同子擁爐坐有扣門者一聲而止繼復扣五聲且欲借物先生曰緩言所借令其子試占所借者何物以一聲屬乾爲上卦以五聲屬巽爲下卦又以一乾五巽共六數加酉時十數總得十六數除二六一十二得零四數爲動爻是爲天風姤之四爻變巽互見重乾卦中二乾金二巽木二體而已乾爲剛金而巽爲長木○斷曰其子云金短而木長所借者必鋤先生曰非鋤必借斧問之果借斧子曰何以故先生曰論數又須論理夜晚安用鋤蓋斧切於劈柴耳

因人問動靜占

三三升 三三泰 初六爻變

有客問曰今日動靜如何遂占之六字平分以今日動三字為上卦今字平聲一數日字入聲四數動字去聲三數共得八坤為上卦以靜如何三字為下卦靜字去聲三數如字平聲一數何字平聲一數共得五巽為下卦又以八五一十三總數除二六一十二得零一數為動爻是為地風升變泰互見震兌遂謂客曰今日當為人相請客無多酒無醉味止雞黍而已當晚果然○斷曰升有升階之意互見震兌為東西席之分卦中兌為口坤為腹為口腹之事故知有人相請客无多者坤土

獨立無同類之卦氣也。酒无醉者，卦中无坎味止雜黍者，坤為黍稷，且又卦无相生之義，故知品味不至豐也。

西林寺額占

三爻二 剝 三三 艮 六三爻變

先生閒遊，偶見西林寺額，林字無兩勾，占之以兩字七畫，得艮為上卦，林字八畫，得坤為下卦。又以七八一十五總數除二六一十二，得零三數，為動爻，是為山地剝之六三變。艮互見重坤，○斷曰：寺者純陽之人所止，今卦得重陰之爻，又有群陰剝陽之兆。詳此寺中當有陰人之禍，何不添林字兩勾，則無陰禍矣。僧信之，遂添兩

字兩勾寺中自此果然無事蓋添林字兩勾則十畫除
八得二爲兌卦合上艮是爲山澤損變中孚互見坤震
損者益也如用互俱爲生體之吉卦可以安矣

已上互卦俱用

先天數起卦占例

老人有憂色占

三三姤三三巽 九四爻變

己丑日卯時偶在途行逢一老人從巽方來有憂色遂
占之以老人屬乾爲上卦巽方爲下卦是爲風天姤又
以乾一巽五加卯四爲十總數除六得零四數爲動爻
是爲姤之九四易曰包尤魚起凶是易辭不吉以卦論

之巽木爲體用卦乾金尅之互卦又見重乾俱是尅體
蓋無生意且時在途行其應又速遂以成卦之數中分
而取其半謂老人曰汝五日之內有重禍果五日老人
赴吉席因食魚被食硬而終占例大凡占看自己之動
半應速遂以成卦之數中分而取其半也坐則事應遲
當倍其成卦之數而定之也立則半遲半速止以成卦
之數定之可也昭然如是又在變通如占牡府觀
梅之類則二花比朝夕之故豈待成數之久邪

少年有喜色占

三三貴三三家人 六五爻變

壬申日午時有少年從離方來喜形於色問有何喜曰
無遂占之少男屬艮爲上卦離方爲下卦得山火賁以

艮七離三加午七爲十七總數除二六一十二得零五
數爲動爻是爲賁之六五易曰賁于丘園束帛戔戔吉
是易辭吉矣卦則變家人互見震坎離爲體互變俱是
生氣之卦矣○斷曰子於十七日內必有聘幣之喜至
期果然定婚

牛哀鳴占

三三三師三三升 六三爻變

癸卯日午時有牛哀於坎方聲極哀因占之牛屬坤爲
上卦坎方爲下卦得地水師以坤八坎六加午七爲二
十一總數除三六一十八得零三數爲動爻是爲師之

六三易曰師或輿尸凶是易辭凶也卦得師變升互見坤震坤爲體互變俱尅之並無生意○斷曰此牛二十一日內必遭屠殺果後二十日有二人來買此牛牽以犒匠衆悉皆應之

雞悲鳴占

三三小畜三三乾

六四爻變

甲申日卯時有雞鳴於乾方其聲甚悲愴因占之雞屬巽爲上卦乾方爲下卦得風天小畜以巽五乾一加卯四爲卜總數除六得零四數爲動爻是爲小畜之六四易曰有孚血去惕出以卦論之此有割雞之義卦屬小

畜之乾互見離兌乾爲體離火尅之况卦中巽木離火
又有魚鮓之象乎○斷曰此離十日內當烹之果十日
有客至魚而食之

此恐當以乾尅巽雞爲義身爲體而物爲用也

枯枝墜地占

三三睽三三損

九四爻變

戊子日辰時偶行途中有大樹蔚然無風無雨忽有枯
枝墜地於兌方因占之槁木爲離爲上卦兌方爲下卦
得火澤睽以兌二離三加辰五爲十總數除六得零四
數爲動爻是爲睽之九四易曰睽孤遇元夫卦則睽變
損互見坎離兌金爲體離火尅之且睽損卦名俱有傷

殘之象○斷曰此木十日當伐後十日果有人砍伐之

為公解而匠者偶名元夫也

已上五卦俱用後天數起卦占例

今按梅花數本非邵子所作故宋末儒者皆不之及雖非出於邵子然亦京管之遺但自為一術而不用火珠林法亦不及其精密也

○三國魏志載管輅占驗

筮郭恩兄弟躄疾所由

輅父為利漕利漕民郭恩兄弟三人皆得躄疾使輅筮其所由輅曰卦中有君本墓墓中有女鬼非君伯母當叔母也昔饑荒之世當有利其數升米者排著井中噴

責有聲推一大石下破其頭孤魂冤痛自訴於天於是
恩涕泣服罪

筮劉奉林婦病死期

廣平劉奉林婦病困已買棺器時正月也使輅占曰命
在八月辛卯日日中之時林謂必不然而婦漸差至秋
發動一如輅言

筮王基三怪無患

輅往見安平太守王基基令作卦輅曰當有賤婦生一
男兒墮地便走入竈中死又牀上當有一大蛇啣筆眼
大共視頃臾去之又烏來入室中與鷺共鬪鷺死烏去

有此三怪基大驚問吉凶輅曰直官舍久遠魑魅魍魎
為怪耳兇生便走非能自走直朱無忌之妖將其入竈
也大蛇啣筆直老書佐耳烏與驚闢直老鈴下耳今卦
中見象而不見其凶知非妖咎自無所憂後卒無患

竺信都令家婦女驚恐疾病

時信都令家婦女驚恐更互疾病使輅筮之輅曰君此
堂西頭有兩死男子一男持矛一男持弓箭頭在壁內
脚在壁外持矛者主刺頭故頭重痛不得舉持弓箭者
主射胃腹故心中懸痛不得飲食晝則浮游夜來病人
故使驚恐於是掘地果見二棺如所言徙骸骨乃皆愈

筮王經見怪當遷官

清河王經去官還家輅與相見經曰近有一怪大不喜之欲煩作卦卦成輅曰爻吉不爲怪也君夜在堂戶前有一流光如燕爵者入君懷中殷殷有聲內神不安解衣彷徨招呼婦人覓索餘光經大笑曰實如君言輅曰吉遷官之徵也其應行至頃之經爲江夏太守

占郭恩家鳩鳴當有小故

輅又至郭恩家有飛鳩來在梁頭鳴甚悲輅曰當有老公從東方來攜豚一頭酒一壺主人雖喜當有小故明日不有客如所占恩使客節酒戒肉慎火而射雞作食

箭從樹間激中數歲女子手流血驚怖

輅別傳曰義博從輅學鳥鳴之

候輅言君雖好道天才既少又不解音律恐難爲師也輅爲說八風之變五音之數以律呂爲衆鳥之商六甲爲時日之端反覆

謔曲出入無窮

占劉長仁鵲鳴之驗

輅至安德令劉長仁家有鳴鵲來在閣屋上其聲甚急輅曰鵲言東北有婦昨殺夫牽引西家人夫候不過日之際告者至矣到時果有東北同伍民來告鄰婦手殺其夫詐言西家人與夫有嫌來殺我婿

筮王弘直飄風來在庭中當哭子

輅至列人典農王弘直許有飄風高三尺餘從申上來

在庭中憧憧回轉息以復起良久乃止直以問輅輅曰
東方當有馬吏至恐父哭子如何明日膠東吏到直子
果亡直問其故輅曰其日乙卯則長子之候也木落於
申斗建甲申破寅死喪之候也日加午而風發則馬之
候也離爲文章則吏之候也申未爲虎虎爲大人則父
之候也

筮雄雉來登王弘直鈴柱頭當遷官

有雄雉飛來登直內鈴柱頭直大以不安令輅作卦輅
曰到五月必遷時三月也至期直果爲渤海太守

筮諸葛原射覆比中

館陶令諸葛原遷新興太守輅往祖餞之賓客並會原
自起取燕卵蝨窠蜘蛛著器中使射覆卦成輅曰第一
物含氣須變依乎宇堂雄雌以形翅翼舒張此燕卵也
第二物家室倒縣門戶衆多藏精育毒得秋乃化此蝨
窠也第三物殼棘長足吐絲成羅尋網求食利在昏夜
此蜘蛛也舉坐驚喜顏師古曰於器下置諸物令闇射之故云射覆

占二客有凶氣當死

輅族兄孝國居丘輅往從之與二客會客去輅謂孝
國曰此二人天庭及口耳間同有凶氣異變俱起雙魂
無宅少許時當並死也復數十日二人飲酒醉夜共載

車牛驚下道入漳河中皆即溺死

輅別傳曰輅曰坎為棺槨兌為喪車

自筮見三狸當顯

冀州刺史裴徽辟輅為文學從事徙部鉅鹿遷治中別駕初應州召與弟季儒共載至武城西自卦吉凶語儒云當在故城中見三狸爾者乃顯前到河西故城角正見三狸共踞城側兄弟並喜正始九年舉秀才

筮何宴夢青蠅在鼻為顛亡之兆

十二月二十八日吏部尚書何宴請之時鄧颺在宴謂輅曰聞君著爻神妙試為作一卦知位當至三公否又問連夢見青蠅數十頭來在鼻上驅之不肯去有何意

故輅曰鼻者良天中之山高而不危所以長守貴今青
蠅臭惡而集之位峻者顛輕豪者亡不可不思害盈之
數盛衰之期是故山在地中曰謙雷在天上曰壯謙則
衷多益寡壯則非禮弗履未有損已而不光大行非而
不傷敗願君侯追思爰象之義然後三公可決青蠅可
驅也颺曰此老生之常譚輅還邑舍具以此言語舅氏
舅氏責輅言太切至輅曰與死人語何所畏邪舅大怒
謂輅狂悖歲朝西北大風塵埃蔽天十餘日聞晏颺皆
誅然後舅氏乃服

舅氏夏
大夫

占劉邠器中覆物及官舍變怪

平原太守劉邠取印囊及山雞毛著器中使筮輅曰內
方外圓五色成文令寶守信出則有章此印囊也高岳
巖巖有鳥朱身羽翼玄黃鳴不失晨此山雞毛也邠曰
此郡官舍連有變怪使人恐怖其理何由輅曰或因漢
末之亂兵馬擾攘軍尸流血汙染丘山故因昏夕多有
怪形也明府道德高妙自天祐之願安百祿以光休寵
筮徐季龍行獵得狸及射覆十三種皆中

清河令徐季龍使人行獵令輅筮其所得輅言當獲小
獸復非食禽雖有爪牙微而不彊雖有文章蔚而不明
非虎非雉其名曰狸獵人暮歸果如輅言季龍取十三

種物著大篋中使輅射云器中藉藉有十三種物先說
雞子後道蠶蛹遂一一名之惟以梳爲枇耳

占毋丘儉墓當滅族

輅隨軍西行過毋丘儉墓下倚樹哀吟精神不樂人問
其故輅曰林木雖茂無形可久碑誄雖美無後可守玄
武藏頭蒼龍無足白虎銜尸朱雀悲哭四危以備法當
滅族不過二載其應至矣卒如其言

占倪清河問兩期

輅得休過清河倪太守時天旱倪問輅兩期輅曰今夕
當雨是日暘燥晝無形似府丞及令在坐咸謂不然到

鼓一中星月皆沒風雲並起竟成快雨於是倪盛脩主

人禮兵爲歡樂

輅別傳曰輅與倪清河相見既刻兩期倪猶未信輅曰夫造化之所以爲神不

疾而速不行而至十六日壬子直滿畢星中已有水氣水氣之發動於卯辰此必三之應也至日向暮了無雲氣衆人並出輅輅言樹上已有少女微風樹間又有陰鳥和鳴又少男風起衆鳥和翔其應主矣須臾果有良風鳴鳥日未入東南有山雲樓起黃昏之後雷聲動天到鼓一中星月皆沒風雲並興玄氣四合大雨河傾倪調輅言誤中耳不爲神也輅曰誤中與天期不亦工乎

自以骨相生年占死期

正元二年弟辰謂輅曰大將軍待君意厚冀當富貴乎
輅長歎曰吾自知有分直耳然天與我才名不與我年
壽恐四十七八間不見女嫁兒娶婦也若得免此欲作

洛陽令可使路不拾遺枹鼓不鳴但恐至太山治鬼不
得治生人如何辰問其故輅曰吾額上無生骨眼中無
守精鼻無梁柱脚無天根背無三甲腹無三壬此皆不
壽之驗又吾本命在寅加月食夜生天有常數不可得
諱但人不知耳吾前後相當死者過百人畧無錯也是
歲八月爲少府丞明年二月卒年四十八

八當
作七

今按雙湖胡氏歷序春秋以至唐宋占驗於諸家之
術大畧已具而不一舉梅花數蓋必非雙湖前書也
然官輅魏人其世次當在郭璞前又三國志所載而
亦不及焉得無以其書有占無卦於爻象無所發明

邪輅之術筮作史者評之謂爲玄妙之殊巧非常之絕技斯亦安可遺哉旣不言卦則不知其所用何術輅嘗自言但欲論金木水火土鬼神之情則固以五行成變化而行鬼神者也今觀其占辭不皆據易理則亦後世之見耳其弟辰叙曰所載卜占事雖不識本卦若拾殘餘十得二焉至於仰觀靈曜說晉魏興衰及五運沉浮兵革災異十不收一即其所收大意可見矣蓋輅之斷占或以骨相或以氣色或以墳墓或以怪異或以風角或以鳥鳴或以日時或以方位而率假筮以決之大抵用火珠林法中間射覆一術

則東方朔之所已試也前漢書東方朔傳云上嘗使
諸敖家射覆置守宮孟下射之皆不能中朔自贊曰
臣嘗受易請射之乃別著布卦而對臣以爲龍又無
角謂之爲蛇又有足跂跂瓜瓜善緣壁是非守宮即
蜥蜴上曰善復使射他物連中輅之術蓋不在朔下
者故輅弟辰曰往孟荆州爲列人典農嘗問亡兄東
方朔射覆得何卦乃知守宮蜥蜴二物邪亡兄遂爲
安卦生象變化相推會於辰巳分別龍蛇各言其理
荆州歎服竊謂辰龍也龍陽物角屬陽巳蛇也蛇陰
物足屬陰其必上離下艮而爲旅卦乎蓋離之上九

飛而上居陽爻納甲爲巳下比五陰故曰有足艮之
初六潛而下居陰爻納甲爲辰上比二陰則爲無角
故知其所用亦火珠林法也然則火珠林之法在東
方朔時已先有之不獨始於京房也象以意陳神從
思顯至於郭璞應驗尤奇豈其術則然哉蓋心體靜
虛乃能通靈顯聖此誠精而明自然之理也朔詎諧
玩世言行非純不足以語誠明之學而况輅嗜酒戲
言不擇非類與郭璞不脩威儀嗜酒好色者同又其
不檢之甚者亦何以能前知哉此蓋天所授者偶有
一隙之明而用意精專其術亦爲神所附耳此即雙

湖所謂如讖辭之適中者固不能如誠明者之有感
必通也故輅嘗自言卜亦不悉中十得七八豈惟來
卜者言不足以宣事實哉故善學易者當求易理而
不必專求於易數也求數而不求易理則將自眩其
能而不知進退之幾京房郭璞皆不得其死倚數故
也若輅之得免殆亦幸焉

敬跋易學四同別錄後

嘉靖初家君以御史言事謫揭陽主簿歲丁亥抱廟
在告少瘥即就床第讀易隨日力所至以觀卦爻惟
據程朱二子傳義以解析四聖之言又據蔡虛齋蒙
引以通二子之釋時亦未敢有所異同既而漸有疑
焉頗恠二子說經支離牽強牴牾者多而虛齋疏義
頭緒紛紜蔓延尤甚似非潔淨精微之教而四聖遺
文不相合一豈不滋學者之惑哉乃復反覆諦思二
日而窮一卦以至全經無不周徧然後得其貫通之
旨而爲詩曰兩畫剛柔意若何只須心上看中和自

從四聖分門後惹得人間異論多又曰開門日日見
庖羲不向窓前守舊知除却伊川還有易但無人肯
撤臯皮庚寅之歲家君移尹弋陽友人胡惟一純過
訪與之論易因書此詩贈別當時所見已如此矣今
既三十餘年沉潛日久所得益深乃於去年夏始緝
此書蓋非一時臆見也丑生於巳丑冬未知所始而
緝書之時家君年既七十有五以目力之弗強命丑
檢搜諸籍得預聞焉敢附數言於後以記始末云

嘉靖三十九年歲次庚申仲春晦日男丑百拜謹識